

**IOSEPHO ANDREAE**

**COMITI**

**ZALVSCIO**

**MVSAGETAE, KIOVIAE ET  
CZERNIECHOVIAE EPISCOPO,**

**HEROICI ORDINIS AQVILAE ALBAE  
EQVITI,**

**BIBLIOTHECAE PVBLICAE VARSAVIENSIS  
AVCTORI,**

**IOANNES DANIEL ANDREAS  
IANOSCIVS,**

**IVCVNDAM AC LONGAEVAM SALVTEM.**

THE A. C. CROOK

1873

OLD FASHIONED

CHERRY BLOSSOM

1873

THE A. C. CROOK

1873

THE A. C. CROOK

1873

THE A. C. CROOK

1873

THE A. C. CROOK

1873


THE A. C. CROOK

1873

THE A. C. CROOK

1873

THE A. C. CROOK

  
**G**um probi omnes, maximeque  
litterati homines, IO SE-  
PHE ANDREA CO-  
MES ZALVSCI, Pontifex Kio-  
viensis Gravissime & Doctissime, pera-  
ctum feliciter tertium & sexagesimum  
aetatis annum, sollemnibus, & susceptis  
pariter, & solutis votis, *TIBI* gratulen-  
tur, ego sane *ILLVSTRISSIMAE TVAE EXCEL-  
LENTIAE* deditissimus, summaque consue-  
tudine & maximis beneficiis devinctus,  
temperare mihi nequeo, quin *EIDEM* pie-  
tatem meam atque laetitiam, publico  
aliquo munusculo declarem ac testifi-  
cer. Id vero recentissimi opusculi mei  
volumen, in conspectum *TVVM* profero,  
quod summorum nostra aetate Regum ac  
Principum, aliorumque illustrium do-  
ctorumque virorum luculentissima, de

*maximis ac vere regiis Nostri REGIS  
virtutibus, testimonia complectitur.  
TVAEQUE ILLUSTRISSIMAE EXCELLENTIAE  
iure dedico. Cui, verbis exprimi haud  
potest, quantum volupe sit, eum Heroem,  
Regem nunc, ac Dominum suum colere,  
quem juvenem admodum, ILLUSTRISSIMA  
TVA EXCELLENTIA, ob insignem pulcritu-  
dinem dignitatemque corporis, excel-  
sam ac vere regiam animi indolem, in-  
genium sapientia validum, elegantissi-  
misque disciplinis refertum, divinam  
prorsus eloquentiam, admirandam quo-  
que linguarum omnium peritiam, insoli-  
tam laborum, vigiliarum, ac periculo-  
rum patientiam, aditus praeterea faci-  
litatem, egregiam liberalitatem & be-  
nignitatem, vitae inprimis modestiam,  
sacrorumque reverentiam, & fidei con-  
stantiam, iustitiaeque curam, summam  
denique administrandae Reipublicae sci-  
entiam*

entiam, & incredibilem prope iuvandae  
Gentis suae, adipiscendaeque aeternae  
famae atque gloriae cupidinem, supre-  
mo Polonici Imperii fastigio dignum  
existimabat. Cum autem SACRA ILLA &  
SERENISSIMA REGIA MAIESTAS, at teneris  
annis, abunde cognoverit, locuplesque  
testis IPSANET fuerit, quanta ab ILLU-  
STRISSIMA TVA EXCELLENTIA, Ecclesiae  
Orthodoxae Polonicae, & universae  
Reipublicae, politioribusque praecipue  
Litteris allata sint evolumenta, mini-  
me mirum est, quod inito statim Regno  
suo, singulari TE benignitate complexa  
sit, TVAque pia & litteraria omnia pro-  
posita, tam diligenti aure, ac suavi vul-  
tu acceperit. Faxit MISERICORS DEVS,  
ut Pientissimus & Sapientissimus, REX,  
patriaeque salutis cupidissimus, ILLU-  
STRISSIMA TVA EXCELLENTIA, Praesule  
vere sancto atque erudito, EODEMQUE Se-  
nato-

*natore probo, & fideli, & sapiente, integro adhuc saeculo fruatur. ILLVSTRIS-*  
*SIMA autem TVA EXCELLENTIA, STANISLAO AVGVSTO REGE,*  
*liberalibus studiis doctrinisque cumulatissimo, Musisque indulgentissimo, eandem opem bonis Litteris, doctisque Viris feret, quam sub FRIDERICIS VTRISQUE AVGVSTIS, adeo magnifice glorioseque iis praestitit. Serissimam aetatem, quam vivido animo, tam vegeto corpore, transigat ILLVSTRISSIMA TVA EXCELLENTIA, incomparabile litteratae Senectutis specimen, ac fulgentissimum nostri temporis decus atque ornamentum. Varsaviae, e Sacrario Reipublicae, id est, TVA publica Bibliotheca, Prid. Id. August. Anno reparatae humanae Salutis M. D. CC. LXV.*

EXCER-



EXCERPTVM  
POLONICAE LITTERATURAE.  
VOL. II.

---

LXXVIII.

**V**acuo nunc regali folio, *Rufforum Augusta*, Comiti *Kaiserlingio*, amplissimam ad Regni Ordines mandavit legationem. Heri ille, in publico Senatus conspectu, fidei litteras, Principi Gnesnensi Archiepiscopo, totius Poloniae Primati, reddidit. Quem allocutus est his verbis:

Reges mortales esse, mors inopinata AVGVSTI III, Serenissimi Regis Poloniae, Magnique Ducis Lituaniae, novum Nobis perhibet exemplum. Dolet *Imperatrix Russiarum* obitum Principis boni, vicini et amici. Dolet orbatum Serenissimae *Reipublicae* statum, qui ut placide & pacate in integrum evadat, e voto & re omnium aequae, ac vicinorum est. Ne vero quidquam Officii bonae vicinitatis amicitiaeque deesse videatur, placuit *Dominae* meae *Clementissimae*, munus Oratoris sui, quo antea hic functus sum, iterum mihi clementissime deferre. Quo & exinde appareat, quanta sit amica voluntas, licet minime nova, qua *Imperatoria Maestas*, erga *Serenissimam Rempublicam*, fertur. Integritatem *Gentis liberae* vicinae salvam esse, maxime interest. Fieri igitur non potest, quin *Sua Imperatoria*  
*Exc. Pol. Litt. Vol. II.* 1 *ria*



*ria Maiestas* sit ad ea iutenta, quæ *Serenissimæ Reipublicæ* tuanquillitatem, libertates, iura & Privilegia tangunt. Quæ omnia & singula velit *Celsitudo Vestra*, ex hisce *Fidei Litteris*, uberius perspicere. Quoad reliquum, me omni, quo par est, cultu iterum iterumque commendo.

Ad ea Princeps Archiepiscopus atque Primas:

Principes mortales, orbatu munc *Serenissimo* suo Rege, & luctu plenus *Reipublicæ* status comprobatur. Ac mixtum, cum suo, *Serenissimæ Imperialis Maieſtatis* dolorem, vero gratitudinis Officio completitur. *Rempublicam* æternam, legibus suis salvam & immunem, eo suavius tranquillam fore; cum *Serenissimæ Imperialis Maieſtatis* votis, ex uberrima vicinitatis amicæ benevolentia, septam; tum *Excellentissimi Oratoris* testimoniis certiozem redditam; credit & exoptat. Eo quoque fine *Litteras*, pro documento optimæ, in *Rempublicam* Noſtram, *Serenissimæ Imperatricis* voluntatis, ab *Excellentissimo Oratore* exhibitæ, maximo, prout decet, cultu recipio. Ac libentissime in Persona *Excellentiæ Vestræ*, Nobis apprime cara, & iam præcedente *Interregno* bene nota, nec non vere omnibus dilecta, dignissimum *Oratorem* recognosco, ac pleno corde prosequor: de præmissis *Rempublicam* informatam redditurus.

## LXXIX.

Est *Lubienscius*, Gnesnæ Archipraeful, Regnique Poloniae Primas, & Primus Princeps, iusta statura, & pulcra admodum forma, cui haud minus gratiæ inest, quam dignitatis. Ingenium ei placidum, lene, dulce, facile, eruditum in publicis negotiis tractandis. Eloquium elegans & suave. A tenero, optimis disciplinis innutritus. Omniumque rerum magnarum scientiam consecutus,



cutus. Reipublicae summe gnarus. Eiusque salutis, pervigili & sollicita cura, intentus. Clemens, erga omne hominum genus, & mire comis. Bonitate & aequitate plane incomparabilis.

### LXXX.

*Kaiserlingius*, magnus Russorum Augustae Legatus, ab universa Gente Polonica, eximie & colitur, & amatur. Implevit iam septimum & sexagesimum aetatis annum. Corpore tamen est sat agili & vivido. Vultuque & gestu decoris auctoritatisque pleno. Ingenio adhuc, & memoria, maxime validus. Altissima eruditione, magnarumque rerum experimentis, instructissimus. Sermone gravis & dulcis: repugnantes, quoquo ducat, impellens. Integritate, fide, prudentia, vigilantia, constantia in publicis negotiis agendis, cum eminentissimis huius, & superioris omnis aevi viris, haud dubie conferendus. Vita tranquillus & temperatus. Semperque, aut in excogitandis, aut in expediendis rebus maximis, occupatus. Amicitias haud facile admittens. Sed constantissime retinens. Natura caeteroquin omnibus benignus. Clementiae, in viros eruditos, liberalitatisque eius multa & magna documenta sunt. Et legum, & consuetudinum, & rerum omnium Polonica-

I 2

rum,



rum, mirum quantum! peritus. Nostraeque Gentis studiosissimus.

### LXXXI.

**AVGVSTI III**, optimi, semperque deflendi Regis exequiae, in Divi **IOANNIS BAPTISTAE** Basilica, trium dierum moesta pompa, sunt celebratae. Aduit Princeps Regni Primas, itemque Senatus magna pars, & ingens Nobilium multitudo. *Kioviensis* Episcopus, *Iosephus Zaluscus*, doctissimus nostrae aetatis Praeful, patriaeque & gentis suae amantissimus, Manuale Iuris Publici Poloniae, In Statu Reipublicae Acephalo, emisit. Quo omnia, quae Interregni tempore, in Reipublicae administratione, novique Regis electione atque inauguratione, observari debent, ingenuo stylo, ac facili ordine expontur.

### LXXXII.

Masovitica Societatis Iesu Provincia,  
**AVGVSTO III**, **POLONIAE REGI**,  
**MAGNOQVE LITVANIAE DVCI**, **NEC**  
**NON HEREDITARIO DVCI SAXO-**  
**NIAE**, **ET PRINCIPI ELECTORI**, **IN**  
**DEVM PISSIMO**, **IN CIVES BENE-**  
**FICENTISSIMO**, **IN REBUS ADVER-**  
**SIS FORTISSIMO**, **PACIS AC TRAN-**  
**QVILLITATIS PVBLICAE STUDIO-**  
**SISSI-**

SISSIMO, PATRI PATRIAE, FAV-  
TORI SVO AMPLISSIMO, hoc lugu-  
bri carmine, iusta perſolvit:

*Ergo erat in ſatis, ut, cum Te, maxime Regum,  
Speremus Pyllos vivere poſſe dies,  
Et numerum meritorum annis aequare Tuorum,  
Praecipiti raperet Parca cruenta manu!  
Et qua Te Populus Proceresque ad Regna vocarunt, \*  
Spectarent tristes, funera moeſta die!  
Scilicet humanae ſunt haec ludibria vitae,  
Perpetuo rerum turbine cuncta vehi,  
Optatis falli votis, rebusque ſecundis  
Miſceri adverſas cernere ſaepe vices;  
Et riſus iungi lacrymis, poſt gaudia luſtus  
Currere, ſit ſtabili ne quid, in Orbe, loco.  
En poſt exactas acies, & Marte repulſo,  
Saxonicas nuper depopulante plagas,  
Dum parat attritam bellorum pondere Gentem  
Viſere, & affliſtis ferre benignus opem,  
Quas ſpes non aluit dilecto Principe iam iam  
Linquente Iſtuleum Sarmatica ora ſolum?  
Ah, quoties dixit: nec me ſpes lubrica fallit,  
Nec temere expecſto; Rex rediturus abit,  
Dixerat. Ah, utinam Superi pia vota probaſſent,  
Auguriiſque ſui ſpes bona certa foret!  
Audio ſed querulos ſonitus, moeſtasque per omnem  
Sarmatiam longe fundere templa preces.  
Et Populum aſpicio deiecto lumina vultu  
Ferre gradum, & quidnam neſcio, triſte loqui.  
Orba parente gemit ſoboles, ſine Rege Senatus,  
Plorat & uſque ſuum Nobilis Ordo Ducem.  
Plebs queritur Dominum immaturo funere raptum,  
Deſenſore fides, Vindice iura carent.  
Sic eſt: non lacrymas melius reor eſſe profuſas  
Vſquam, nec potuit iuſtior eſſe dolor.  
Occidit AVGVSTVS, qui per ſex luſtra Polonis  
Munera tranquillae pacis amica dedit:*

I 3

Dum-

\* Obiit V. Octob. quo die, ante XXX annos, electus eſt Rex.



Dumque alibi fremerent metuendo cuncta Gradivo,  
 Iuraque per populos ensis Et hasta darent,  
 Et Tamesis, Rhenusque minax, Isterque profundus,  
 Sequanaque Et raucis asper Iberus aquis,  
 Iratoque Albis cum gurgite bella sonarent,  
 Regnabat nostris jecibus alta quies.  
 Et strepitus inter, flammæ, iaculataque tela,  
 Securus tenuit Regna Polona sopor.  
 Quid memorare iuvat diuturnæ commoda pacis,  
 Unde opibus crevit nostrum Et honore solum?  
 Si quis cultus adest Patriæ, si docta Minerva  
 Coepit Sarmaticas incoluisse plagas:  
 Si colimus leges, æquum rectumque secuti,  
 Suppliciumque reus, præmia iustus habet:  
 Si canit aprico tranquillus messor in agro,  
 Et placido merces flumine nauta vehit:  
 Cuncta hæc PACIFICO debentur munera REGI,  
 Fas, pietas, artes, gloria, splendor, opes.  
 Occidit. Ah, utinam tanti violentia casus  
 Perniciem in plures non trahat ista gravem!  
 Sic illa erecto spectanda ubi vertice quercus,  
 Quæ totam umbrosa fronde tegebat humum,  
 Stridentis Boreæ nimio quassata tumultu  
 Frangitur, Et terram mole premente petit;  
 Communi vicina dolent arbuscula ruina,  
 Non quippe a ventis, unde tegantur, habent.  
 Aut ubi Cecropio dux flavæ monte cohortis  
 Immiti Meropis raptus ab ore perit.  
 Hinc atque hinc volitat metuens exercitus omnis,  
 Nec scit, quo dubius fertur, Et unde venit:  
 Sic metuit, Caro viduata Polonia Rege;  
 Nam sibi quod metuat, novit adesse domi.  
 Fors mala vipereos quatiens Discordia crines,  
 Impatiens longa Regna quiete frui,  
 Triste acuit ferrum, iugulos læsura Polonos,  
 Et parat in mutuas Civica bella necesse?  
 Novimus, Et docuit satis experientia rerum,  
 Quam grave tot Regum cernere fata fuit.  
 Fallor, an æthereas placidum vox missa per auras  
 Funditur, Et Lechiam dira timere vetat?

*Cara mihi ante alias tellus, dum vita maneret,  
Vita privato nunc quoque cara mihi,  
Ne me forte putes oblitum sedibus istis,  
Solliciti curas deposuisse Patris  
Quin melius caelo, virtus quo me extulit, alto,  
Sceptraque iam fatis non adimenda dedit,  
Quid tibi dent Superi faciles, optasve velisve,  
Nosco, atque ut faciles dent tibi cuncta, precor.  
Nam tibi si rapuit communi funere Regem,  
Non potuit carum Mors rapuisse Patrem.*

Eadem Provincia, AD CELSISSIMUM, ILLVSTRISSIMUM, EXCELLENTISSIMUM, REVERENDISSIMUM DOMINUM, DOMINUM LADISLAVM LVBIENSKI, ARCHIEPISCOPVM GNESNENSEM, LEGATVM NATVM, REGNI POLONIAE ET MAGNI DVCATVS LITVANIAE PRIMATEM, PRIMVMQVE PRINCIPEM, hocce elegidion exaravit:

*Continuis agitata malis terraque marique  
Lacrymor, & lacrymis obruor ipsa meis.  
Vnica spes fuerat, sed spes haec nuper adempta est,  
AVGVSTVS, coetus spesque salusque mei.  
Quod superest, animumque addit, lenitque dolorem;  
Dum Pater eripitur, Tu mihi Tutor eris.*

LXXXIII.

Posnaniensis Episcopus, *Theodorus* Dux  
*Czartoryscius*, apud generosam atque po-  
 tentem Poloniae Maioris Nobilitatem, &  
 gratia praepollet, & auctoritate. Cui qui-  
 dem, in necessitudine Reipublicae, parentis  
 I 4 affe-



affectum exhibet. Eminent in hoc Principe & Praefulae, mens excelsissima, egregiis virtutibus, optimisque artibus, & rebus maximis impleta. Mira illi dicendi facultas, copia, ubertas. Mira etiam in ore ipso, vultuque suavitas. Eleganter magis, quam sumtuose vivit. Adamat doctos viros, omnisque generis artifices. Eosque eximiis honoribus atque praemiis adficit. Amico illo nihil verius, nihil candidius, nihil fidelius.

#### LXXXIV.

Numerosa ac splendida Varfaviensis Terrae Nobilitas, Lituaniae Dapiferum, *Stanislaum Poniatovium* summa Reipublicae scientia, ac divina quadam facundia praeditum, incredibilique iuvandae patriae studio flagrantem, & *Theodorum Szydlovium*, Vexilliferum Varfaviensem, iuris ac legum peritia clarissimum, ad *Convocationis Comitia*, Legatos pronunciavit. *Augustus Dux Czartoryscius*, Roxolanicarum Terrarum Palatinus, iustissimus sane, & temperatissimus, & sapientissimus Princeps, Kapturarium in Varfaviensi Terra Iudiciorum Mareschalcus est constitutus. *Sieminscius*, Regni Referendarius, sub exitu superioris anni, de vita decessit. Mareschalci honorem, in Supremo Regni Tribunali, dextere gessit. Semperque optimarum in Republica par-

partium fuit. Huius anni principio, senio confectus obiit *Wodzicius*, Premisliae Episcopus, Regnique Poloniae Procancellarius, quo nihil aut simplicius, aut sincerius, aut melius novi. Secutus eum, ad Superos, *Carolus Crenius*, priscae fidei singulare exemplum. Successit illi, in Plocensem Cathedrallem Canonicatum, gravissimus vir *Cyprianus Wolicius*, Pomeraniae Archidiaconus atque Officialis. *Szaniawscius*, Gnesnensis Metropolitanae Ecclesiae Canonicus, Principisque Archipraefulis, Regni Primatis Referendarius, ingenii & eloquentiae fama notus, Vladislaviensi Cathedrali Canonicatu est accumulatus.

### LXXXV.

Princeps *Grabowscius*, Varmiae Pontifex, Prutenicarumque Terrarum Praefes, magnis atque arduis negotiis assuetus, & ad Rempublicam bene gerendam factus, infirma admodum valetudine, affectaque iam aetate, in Episcopatu suo detinetur. Conventui Poloniae Maioris, Dux *Czartoryscius*, Posnaniensium Antistes, summa sollicitudine animi ac vigilantia praefuit. Ipsius auspiciis, designati ad *Convocationis Comitia* Legati, *Franciscus Walknowscius*, Iudex Terrestris Calissiensis, *Antonius Cricius*, Posnaniensis Subdapifer, *Mathias*



*Gliszczynscius*, Terrestris Califfiensis Notarius, *Vladislaus Gurowscius*, filius defuncti Castellani Pofnaniensis, *Casimirus Raczynscius*, Conventus huius Mareschalcus, *Ioannes* denique *Lipscius*, Regni castrorum Metatoris demortui filius, maiorum claritudine omnes insignes, ingenioque, & consilio, & eloquio maxime praestantes. Princeps *Lubomirius*, supremus Regni Excubiarum Praefectus, natura follertissimus, summeque disertus, & Reipublicae peritissimus, iuris quoque civilis intelligentia, atque omni prudentiae genere instructissimus, a florentissima Sandomiriensi Nobilitate mittitur. Fulget, inter collegas eius, *Iosephus Solticus*, Enfiter Sandomiriensis, Principis atque Praefulis Cracoviensis germanus frater, excessa animi indole, patriaeque caritate, ei persimilis. Veniet e Belzensi Palatinatu, vir fortissimi animi, summiue consilii, et maximi laboris, *Casimirus Poniatovius*, Regni Poloniae Archicamerarius. Potiores Volhiniae Nobiles in publicum foedus coivere. Regni Venatorem, *Stanislaum* Ducem *Czartoryscium* doctrinarum omnium copia, magnarumque rerum usu praecellentem, huc mittendum censuere. Praecipuum ille Legationis socium habet, *Nicolaum Piaskowscium*, Tribunum Vlodimirensem, legum patriarum scientia



tia multa, & omni facultate dicendi, memorabilem.

### LXXXVI.

*Fridericus Maximus*, Borussiae Rex, *Stanislao Poniatovio*, fulgentissimo Lituaniae Dapifero, Ordinis Aquilae Nigrae insigne misit. Additis blandissimis litteris. Quibus nostri herois virtutes digne extolluntur. Iam quanta *Poniatovii* apud Rempublicam auctoritas! quanta fides! Ipsius ianua, & vestibulum, maxima quotidie summorum hominum frequentia celebratur. Nec ulla res maior sine illo geritur. Quippe, cuius neque consilium, neque inceptum ullum frustra fuit. Publicis ille intentus negotiis, supra quam cuique credibile est. Periculisque obviam adeo obsistens, ut instaurandae atque propugnandae Reipublicae genitus videatur.

### LXXXVII.

Ingenti profecto, & privatorum plurimorum emolumento, & universo bono publico, ad nos est delatus, magnanimus, & gravis, & sapiens, idemque ad iuvandam Rempublicam alacer, & promptus, fideique constans Princeps, *Caietanus Solticus*, Episcopus Cracoviensis. Totos hosce dies, noctesque, molliendis dissensionibus publicis dedit.



dedit. Kioviensis Praefulis, *Zaluscii Musagetæ* amore, neptis eius filium, *Iosephum Szaniawscium*, ingeniosum decorumque iuvenem, Cracoviensem Canonicum Cathedralē creavit. Poseniæ Episcopus, Dux *Czartoryscius*, doctum ac cultum virum, si bique percarum & diu probatum, *Martinum Iosephum Ollicum*, Cathedralis suæ Ecclesiæ Canonicum fecit. *Szeptycius*, Plociæ Antistes, eruditissimum Osiecensem Praepositum, *Michaelē Antonowicium*, Insignis Ecclesiæ Collegiatae Pultoviensis Canonicatū donavit.

### LXXXVIII.

Missus a *Borussorum Rege*, ad *Rempubli- cam Polonam*, magnus Legatus, Princeps *Schoenaich*, insigni corporis forma, ingenii- que & iudicii præstantia, exquisitarum in- primis rerum omnium scientia, comitate quoque & affabilitate sermonis, vitæque cul- tu atque elegantia, principes viros, & no- biles, populumque, facile ad se illicit atque attrahit. Regis iussu, gloriosi laboris socium & consortem se ei adiunxit, *Gedeon Benoit*, uir summa rerum civilium cognitione, & prudentia instructus, inque Polonicae gentis legibus atque institutis callide ac perite ver- satus. Incolumis advenit huc, vir natura peracutus, idemque moderatus & sapiens.

tuen-

tuendaeque libertati, & reconciliandae concordiae paratissimus, *Ioannes Wielopolscius*, Palatinus Sandomiriensis. Infando autem nostro incommodo, detrimentoque, in ipso flore aetatis, phthifica adfectione consumtus est, *Michael Rudzienscius*, Maloviae Palatinus, fidelissimis atque optimis huius Regni Senatoribus meritissimo annumerandus.

### LXXXIX.

Exiit Lovicii, e Primatiali Typographeo, vernacula Pastoralis Epistola, *A Vladislao Alexandro Lubienscio*, Gnesnenſi Archiepiscopo Et Legato Nato Apostolico, Regnique Poloniae Primate Et Primo Principe, Ad Metropolitanum Clerum Suum, Atque Populum, summa doctrina, & gravitate, & elegantia scripta, divinisque praeceptis, & legibus plena, ac referta. Culmae, in Presbyterorum Missionis saecularium officina typographica, Synodicae Leges, a sapientissimo & religiosissimo Kioviae Praefulae, *Iosepho Andrea Zaluscio* sancitae excuduntur. Quibus Vitae Kioviensium Antistitum, a *Friesio* ingenti studio conscriptae, subiunguntur. *Iaskiewicius*, Varſaviensis Canonicus, *Iacobi Benigni Bossueti*, Episcopi quondam Meldensis, sacra eruditione, & ingenii acumine clarissimi, Expositionem Doctrinae Catholicae, in Polonicum sermonem studioſe accurateque versam, publicavit. *Zaluscii*, laudatissimi Praefulis, nomini dedit.



didit. *Minafowicius*, ab eodem Antistite, sacris initiatus est. Inque Kioviensium Canonorum numerum relatus. Edidit is, lepidissima & maxime concinna Tetrasticha, *Vitas Singulorum Archiepiscoporum Leopoliensium, Inclytae Nationis Armenae In Polonia, Brevi Carmine Designantia. Quae, praemisso admodum eleganti elegidio, Iacobo Stephano Augustynowicz, hodierno Leopoliensi Armenorum Archipraefuli, dedicavit.*

## XC.

Luculentam concionem, in *Comitiis Convocationis*, habuit *Thomas Szaniawscius*, Metropolitanus Gnesnensis, & Cathedralis Vladislaviensis Canonicus, idemque Principis Poloniae Primatis Referendarius. Terrarum Nuncii, Generalem Podoliae Praefectum, *Adamum Casimirum Ducem Czartoryscium*, eximia tam pulcritudine formae, quam animi magnitudine conspicuum, elegantioribus litteris ornatissimum, nobilium linguarum apprime callentem, legum ac rerum omnium patriarum scientissimum, temporibus etiam sapienter utentem, cultu praeterea, atque victu splendidum, liberalem, blandum, gratiosum, disertum, priscae denique gloriae ac libertatis studiosissimum, ad omnia summa aptum, consiliique plenum, uno animo, unaque voce Mareschalcum sibi dele-

delegere. Vicarium Regni copiarum imperium, totius Senatus Equestrisque Ordinis mira consensione atque gratulatione, delatum ad *Augustum Alexandrum* Ducem *Czartoryscium*, Generalem *Roxolaniae* Palatinum. Qui tot officiis, tot laboribus, tot etiam periculis suis Rempublicam sibi devinxit; quae illi, omnibus suis, carior est. Secretarii officium, in Comitibus, obit *Hyacinthus Ogrodzkius*, Praefectus Territorii *Lubczanensis*, summa vir gravitate, pari prudentia, nec vigilantia minore, fideque in Patriam prope singulari.

## XCI.

Litvaniae Cancellario, *Michaeli* Duci *Czartoryscio*, inter maximos & sapientissimos gentis nostrae viros, potissimum locum merito tribues. Quam gravis enim ille, atque doctus! Quam peritus patrii iuris, & privati, & publici! Quantum praeteritarum rerum! quantum exemplorum tenet! Quam vere de instantibus iudicat! Quam callide de futuris coniicit! Quam copiose & subtiliter in omni genere sermonis disserit, sive meditata, sive subita proferat! Quam facile & studiose summos atque infimos audit! Quam diligenter severeque ius dicit! Quanta adhuc, in fene iam eo Principe, ad maximas res, & gerendas, & sustinendas, in-

doles



doles enitet! Quanta ille ausus! Quam magnifice conata executus, ad vindicandam restituendamque dignitatem Reipublicae!

## XCII.

Illustreis Societatis Iesu Mathematicus, *Stephanus Luskina*, Solis Eccclipseos Observationem Astronomicam, Anno currente 1764, die prima Aprilis, in Regia Arce Varfaviensi, praesentibus Regni huius Optimatibus, exterorumque Monarcharum Legatis, Caelo quam maxime favente Institutam, in lucem emisit. In suburbano Collegio, quod Societatis Iesu Patres, nobilioribus erudiendis iuvenibus dedicavere, *Thadaeus Mlocius*, filius Zacrociensis Praefecti, magna cum animi, tum etiam ingenii expectatione adolescens, Selectas Ex Univerfa Philosophia Theses, viriliter defendit. Interfuit, cum principibus viris, spes Polonicae Gentis, *Stanislaus Poniatovius*, Magni Lituaniae Ducatus Dapifer. Quem *Mlocius*, principio disputationis, in hunc maxime modum est affatus:

Quid mihi, verae laudis aemulo, optabilius contingere potuit, VIR ILLUSTRISIME, quam tentaminis mei litterarii testem, TE habere; quem animo intueri non possum, quin in admirationem rapta quasi divinitus mens mea, in has erumpat cogitationes: veniet tandem aurea illa aetas vehementer desiderata, discussis perturbationum tenebris, quibus consepulti vivimus: novusque rerum ordo elucescet, qui TIBI gloriae, qui nobis felicitatis cumulus accedet. Videre iam mihi videor Imperium hoc nostrum firmioribus nixum fundamentis, meliori donatum forma, splendidiorem

diorem adductum in ordinem, iuvando scientiarum artiumque lumine collustratum. Iam ea felicitate, ea gloria, iis omne genus commodis, Gens tota potiri mihi videtur, quae desideria superabunt, quae exterorum admirationem parient, quae posterorum vota excitabunt. Quid vero amplam adeo nobis spem facit? facit praestantia illa, VIR ILLVSTRISIME, quae naturae dotes omnes ita complecteris, ut ad grandia; ad Patriae decus, ad gloriae fastigium, natum TE praedicent omnes iusti rerum aestimatores. Ad hanc nos expectationem adducunt decora atque ornamenta innumera, quae summo ingenio TVO, tam miro scientiarum, artium, & Philosophiae sanioris usu adsciviri: ut ad restituendum, melioribusque fulciendum legibus, Imperium nutans, ac suis prope convulsam sedibus, in TE, tanquam columnen praesidiumque suum, Respublica convertat oculos. Haec nobis appromittit singularis ille virtutum concentus, quo nihil non sapienter moliris, nihil non strenue vincis, nihil non moderate sustines, nihil non laudabiliter praestas. Haec nobis pollicentur vota, quibus TE cives; amor & studium, quibus TE Regni optimates; laudes eximiae, quibus TE ipsae gentes exterae; gratia tandem & benevolentia, quibus TE Reges potentissimi prosequuntur. Sane mirum, si TIBI, ut Patrono, & Fautori scientiarum studiosissimo, tentamen nostrum devoveri non gestiret. Nec sua illud tenuitas deterret. Suum enim Oceano tributum, non superba tantum flumina, sed & humiles rivuli pensitant, quos cum non respuat; ita singularem illam benignitatem TVAM, quae deest nemini, confidimus nobis non defuturam.

Doctissimus atque comtissimus ille Eques Gallus, *Pyrrhys a Varillaeo*, *Lettres Historiques Et Politiques, Sur Les Interregnes De Pologne*, divulgavit.



## XCIII.

Lipsiae lumen, *Boehmius*, Primi Regii Poloniae Principis, Saxoniaeque Electoris Historiographus, Kioviensis Praefulus, *Io-  
sephi Andreae Zaluscii*, Musarum Gratia-  
rumque ductoris fausto auspicio, IOANNIS  
DE CVRIIS DANTISCI, EPISC. OLIM  
VARMIIENS. POEMATATA, multifariam  
antea dispersa, nunc vero in unum corpus  
egregie redacta, in conspectum politiorum  
hominum produxit. Pulcerrimum iis prooe-  
mium, ad amplissimum Civitatis Dantisca-  
nae Magistratum, de magnis *Dantisca* virtu-  
tibus rebusque praeclare gestis praemilit.  
Cui iucundam admodum intexuit mentio-  
nem, de hodierno Varmiae atque Sambiae  
Antistite, Principe *Adamo Stanislao Gra-  
bowscio*. Quem pietatis, sapientiae, eruditionisque  
fulgentissimum specimen, summo iure ac merito  
appellat. Noster ille *Nagurczewscius*,  
Ciceronis adversus Catilinam Orationes, in Polonicum  
sermonem, summo cultu ac nitore transfudit.  
Magno Lituaniae Notario, *Iosepho Sosnows-  
cio*, caelesti in dicendo homini, dedicavit.  
*Narussiewiczus*, homo inprimis acutus &  
subtilis, optimisque Latinorum litteris excul-  
tus, & linguae vernaculae elegantia instru-  
ctissimus, Taciti Annales Polonice reddit.

## XCIV.



# XCIV.

Sub HENRICI *Electionem*, in publico Senatus confessu, adstantibus tunc Nobilitatis nunciis, auditæ sunt Legationes Externorum Principum, Papæ videlicet, & Cæsaris, Galliaeque & Sueciae Regum. Vide *Sulikovium*, in Commentario Rerum Polonicarum. p. 8.

Summi Pontificis Oratorem, *Ioannem Franciscum* Cardinalem *Commendonum*, deduxere domo, missi a Senatu tres Episcopi, ac totidem alterius ordinis Senatores, multique præterea privati officii causa principes Nobilitatis. Senatus in castris ultra Vistulam, quam sublicio ponte iunxerant, habebatur: tenso ad id, in media planitie, ingenti tabernaculo, regali magnificentia ornato. *Commendonum* e curru, quo vectus erat, descendentem ante tentorium, Poloniae atque Lituaniae Mareschalci acceperunt. Ii, quod officium uni Regi præstare consueverunt, cum scipionibus *Commendonum* antecedentes, turbam ei summovertunt. Cui intranti tabernaculum, confurgens universus Senatus obviam est factus. Ipse ad principem sedendi locum deductus, claudentibus latera hinc Gnesneni Archipraefule, hinc Cracoviensi Antistite, confedit. Idem Senatus fecit, circumfusa Nobilium multitudine, quantam capere locus poterat. Si-



lento facto, *Commendonus* litteras Pontificis Maximi Senatui reddidit. Quibus recitatis, ipse orationem est exorsus. In qua non solum de Rege; Catholicae fidei cultore, creando differuit; sed etiam de inita ab heterodoxis, adversus eam fidem, societate verba fecit: quantum ea a Christiani animi sensu, ac religione abhorreret, ostendens. Cum autem haec *Commendonus* perorasset, Senatus Principes in medium tentorium coivere, & pauca inter se colloqui, ad suum quisque locum redire. Tum consurgens Archiepiscopus Gnesnensis, Senatus nomine, Pontifici Maximo, & *Commendono* gratias egit, quod Poloniae salutis tantam curam gererent. Daturumque operam Senatui dixit, ut a consiliis, monitisque eius, paternae benevolentiae atque officii plenis, ne discederet. Post haec *Commendonus* discessit, prosequente usque ad currum universo Senatu, praeter Palatinum Sandomiriensem, & alios paucos heterodoxos. Vide *Gratiani* Vitam *Ioannis Francisci Commendoni* Cardinalis. Cap. VIII. & IX. p. 367 - 369.

Insequenti die auditi Caesaris Legati, a duobus Senatoribus, videlicet Palatino Lublinensi, & Castellano Gedanensi, deducti. Vide *Gratianum*, Cap. IX. p. 370.

Legati Caesaris magnopere contendebant, ut Hispaniae quoque Regis Orator,  
una

una cum iis, Senatum introduceretur, si-  
quidem una venisset, & eadem mandata af-  
ferret, nec in ea re, separatim quicquam a  
Caesare, Hispaniae Rex esset acturus. Sed  
impetrare nequiverunt, contra tendentibus  
Galliae Regis Legatis, qui se loco praesta-  
re, & Hispaniae Oratori praeferrī debere,  
aiebant. Ita Hispanus, ne concessisse Gallis  
videri posset, Senatu non convento, do-  
mum discessit. Et, post Caesaris Legatos,  
Galli introducti sunt. Aliae deinceps Lega-  
tiones, ordine auditae. Vide *Gratianum*,  
Cap. IX. p. 370. & *Sulikovium*, l. c. p. 8. itemque  
*Andreae Maximiliani Fredro*, Gesta Populi Po-  
loni, sub *Henrico I.* p. 60.

## XCV.

In *STEPHANI Electione*, misso nul-  
lo Pontificio Oratore, ante alios Caesareus  
Legatus, *Martinus Gerstmannus*, Episco-  
pus Vratislaviensis, introductus est. Vide  
*Heidensteinii* Rerum Polonicarum Librum II. p. 74. a.

Caesareum autem Legatum, Archiducis  
*Ferdinandi*, ut eiusdem domus Principis Ora-  
tor, mox subsecutus. Vide *Heidensteinium*,  
l. c. p. 74. b.

Suecicus deinde Legatus est auditus. Vide  
*Heidensteinium*, l. c.

Postridie Orator Ducis Ferrariensis, Le-  
gationem suam, scripto comprehensam, red-  
didit.



didit. Ea publice lecta. Vide *Heidensteinium*, l. c. p. 75. a.

Expectati fuere, *Stephani* ipsius, *Transylvaniae* tunc *Palatini* nomine, *Martinus Berzevicius*, & *Georgius Blandrata*. Ille, in itinere, morbo detentus est. Hic, demandatae sibi *Legationis* capita, in *Senatum* misit. Vide *Heidensteinium*, l. c. p. 75. b.

## XCVI.

In *Comitiis Electionis SIGISMUNDI III*, qua ordine *Legati* audirentur, propter *Moscum* maxime, & *Suecum*, quorum neutrum alteri concessurum satis constabat, controversiae aliquid fuit.

Commodissimum tandem visum, ut primo die *Summi Pontificis*, & *Caesaris*, *Hispaniaeque Regis*, *Oratores* admitterentur. Quorum dignitati ultro cedens *Moscos*, post eos, eodem die auditus est. Eoque tempore, ob *Regis Stephani* memoriam, *Transylvanicis Legatis*, adeundi *Ordines* facultas concessa. Ad extremum, eo die, *Ducis Prussiae Oratores* admissi.

Cum *Caesaris Oratoribus*, *Hispaniae Regis* & *Austriacorum Archiducum Legati*, tanquam in communi causa, & a coniunctis *Principibus* missi, una in *Senatum* venire. Fecitque verba, omnium nomine, *Episcopus*

scopus Olomucensis, dux Caesareae Legationis.

Postridie Legatis Suecicis locus princeps datus est. Qui prius, quam ad Senatum accederent, protestatione sibi, Regisque sui dignitati, cavere; aegre admodum ferentes, quod Mosci die superiore fuerint admissi. Secundum Suecos Electorum Imperii Oratores coniunctim sunt auditi. Vide *Heidensteinii* Rerum Polonicarum Librum VIII. p. 256. sq.

## XCVII.

Ante, quam VLADISLAUS IV. eligeretur, Vtriusque Ordinis confessus, audiendis Principum diversorum Legatis, vacavit. Senatoribus, & Nobilitatis Nunciis, infimul congregatis. Ductoque vastiori circulo sub dio, ubi Equestris Ordo solus eoque substitit.

Primo venere, a Regio Poloniae Principe, *Vladislao*, Regni Sueciae Herede, germani fratres eius, Principes, *Ioannes Casimirus*, & *Ioannes Albertus*, *Carolus* quoque *Ferdinandus*, & *Alexander Casimirus*: unaque Legati, *Henricus Firley*, Premisliensis Episcopus, & *Georgius Ossolinski*, Regni aerarii minor Praefectus, itemque *Sigismundus Kazanowski*, secretioris tunc apud Principem *Vladislaum* cubiculi



Magister: Quos Vladislaviensis Antistes, *Matthias Lubinski*, Senatus nomine, & omnium Procerum turmae militares, honoris atque officii causa, ab Arce, ad Comitium deduxerunt. Appropinquantibus affurrexit Archiepiscopus Gnesnensis, cum Senatu universo. Acceptosque, ad portam Comitii, Principes, *Vladislai* fratres, ad sellas, in capite Coronae Senatoriae, pone laevam sellae Primatialis suae, praeparatas conduxit. Legati vero, qui cum iis venerant, inter supremos Regni Poloniae & Magni Ducatus Lituaniae Mareschalcos, in consueto Legatorum quorumcunque loco, confedere. Silentio tunc facto, Princeps *Ioannes Casimirus*, fratrem suum, *Vladislaum*, Poloniae Regem eligi, ab utroque Ordine modestissime petiit. Cuius sermonem excipiens, Episcopus Premisliensis, merita *Vladislai* Principis, multo uberius atque disertius exposuit. Senatus nomine, ad utramque perorationem, Gnesnensis Archiepiscopus responsum dedit. Deinde Equestris Ordinis Mareschalcus, nomine Nunciorum, seorsum respondit. Omnes demum, ad reducendos Principes, consurrexerunt. Vide *Pauli Piassecii*, Chronica Gestorum In Europa Singularium, p. 450. sq.

Postridie ad Ordines, eodem modo simul confidentes, accessit *Honoratus Vicecomes*,  
S. Se-

S. Sædis Apostolicæ Nuncius. Etiam, ad laevam Archiepiscopi Gnesænsis, locum occupavit. Legationem, ab *Vrbano VIII*, Pontificæ Maximo demandatam, copiosa oratione exposuit. Laudibus Polonicæ Gentis recensitis, hortatus est Ordines, ad placatoria in rebus Ecclesiasticis consilia, utquæ eligerent sibi Regem, Principem *Vladislaum*. Tulit responsum ab Archiepiscopo Gnesænsi, acceptissimam esse omnibus, Summi Pontificis paternam de Regno hoc sollicitudinem, monitionemque salutarem. Deliberationes vero publicas, camque præcipue, quæ Regis nominationem concernit, in hac Republica non, nisi exploratis singulorum voluntatibus, expediri solere. Curaturos tamen Ordines, ut Regem eligant, qui Apostolicæ Sedi placeat, & Catholicam Religionem defendat; quem etiam Christiani populi hostis timeat, Orbisque cultior admiretur. Eodemque verborum sensu, Mareschalcus ordinis Equestris respondit. Vide *Piasecium*, p. 451. sq.

Audiendi deinde fuere, Germanorum Cæsaris, Suecorumque Regis, Legati. Advenere prius Suecici. Verum Cæsareus tardius superveniens, tum primum audientiam petiit, cum iam proximus dies audientis Suecicis Legatis decretus fuisset. Grave inde dubium occurrit, quomodo prior Cæsareus Legatus, uti decebat, admittendus esset? cum Suecici ad audientiam iam invitati, citra illorum iniuriam, in diem alium haud rejici, neque etiam utraque Le-



gationes eodem die audiri possent. Sed per-  
opportune accidit, ut Princeps Legationis  
Suecicae, *Steno Bielke*, eo die, podagrae  
morbo affectus, tempus sibi prorogari, ultro  
rogaret. Atque ita, tempore illi iam dato,  
Legatus Caesaris in confessum Ordinum  
conductus est. Is, capto loco inter Mare-  
schalcorum sedes, Latina lingua commemo-  
ravit Austriacae Domus, cum Regibus Po-  
loniae, veteres coniunctiones atque affini-  
tates, earumque emolumenta; quibus addu-  
ctus Caesar, *Ferdinandus III*, Legationis  
officio, praesenti Electioni assistere, Princi-  
pemque *Vladislaum*, arctiore sanguinis vin-  
culo sibi coniunctum, Ordinibus Regem eli-  
gendum commendare voluerit. Gnesnensis  
Archiepiscopus, & postea Mareschalcus  
Equestris Ordinis respondit, recordationem tali-  
um necessitudinum, humanissimamque Caesaris Maiestatis  
erga hoc Regnum voluntatem, Ordinibus gratissimam esse.  
Ipsosque, actu determinato, uberius responsum duros.  
Vide *Piassecium*, p. 452.

Suecica Legatio perendie audita. Vide  
*Piassecium*, l. c.

Minorum Principum, nempe *Fiduciario-  
rum* Regni Legati, non in pleno Reipubli-  
cae confessu, sed seorsum a Senatorio, &  
Equestri Ordine, admissi. Vide *Piassecium*,  
pag. 453.



## XCVIII.

Sub *Eleſtionem* IOANNIS CASIMIRI, in frequenti Ordinum conſeſſu, *Ioannis* ipſius *Casimiri*, Regii Poloniae Principis, ac Sueciae Hereditarii Regis Legati, ante alios auditi. Hi fuere, *Georgius Tyszkiewiczus*, Samogitiae Episcopus, *Stanislaus Warszycius*, & *Chriſtophorus Koniecpolſcius*, ille Maſoviae, hic Beſſenſis Palatinus, *Naruszewicius* item, Lituaniae Referendarius, & *Chriſtophorus Koniecpolſcius*, Poloniae Vexillifer, *Lubomiriusque*, Stabuli Regni Praefectus. Samogitarum Praeſul fidei litteras exhibuit Archipraeſuli Gneſnenſi. Quas Magnus Regni Secretarius alta voce legit. Multa ſubinde *Tyszkiewiczus*, de orbitate Reipublicae, eiusque triſti conditione, locutus eſt. Ad cuius tractanda gubernacula, *Ioannem Caſmirum* Principem, & natura factum, & optimis artibus inſtitutum, commonſtravit. Nudato capite omnes attente audivere. Gneſnenſis Archiepiſcopus, & Nunciorum Mareſchalcus, brevi reſpoſo ſuo ſignificavere, Ordines huius Principis, Regiaeque *Iagelloniae* ſtirpis, in primis rationem habituros. Vide *Stanislai Ducis Radivilii*, Memoriale Reſtarum Geſtarum In Polonia MS. Tom. II. p. 1601 - 1604. & *Veſpaſiani Kochowſcii*, Annalium Poloniae Climaſterem Primum, p. 73.

Poſtero die, *Chriſtinae*, Suecorum Reginae, Legatus introductus. Etiam *Wilhelmi*



*mi Kettleri*, Curoniae & Semigalliae Ducis, Orator admissus. Vide Ducis *Radiivilii* Memoriale, *Tom. II.* p. 1604. sq.

Tertia autem luce, ad Ordines venit *Ioannes de Torres*, Archiepiscopus Adriapolitanus, Summi Pontificis, *Innocentii X.*, nomine. Magno cum honore acceptus. Pro geminis Principibus Regiis, *Ioanne Casimiro* atque *Carolo Ferdinando*, gravem ac luculentam orationem habuit. Finita ea, Pontificias binas litteras, alteras ad Senatum, alteras ad Nobilitatem scriptas, reddidit. A Gnesnenfi Archiepiscopo, & Nunciorum Mareschalco, humanissime ei responsum. Vide *Radiivilii* Memoriale, *Tom. II.* p. 1606.

Adfuere deinceps *Caroli Ferdinandi*, Regii Poloniae Principis, Plocensisque & Vratislaviensis Praefulis, Oratores, *Stanislaus Zaremba*, Kioviae Episcopus, *Adamus Dux Sanguszko*, Volhiniae Palatinus, *Albertus Czerscius*, & *Andreas Ruszkowscius*, alter Chelmenfis; alter Inovladislaviensis Castellanus, *Theodorus* quoque *Potocius*, Halicienfis Succamerarius, & *Venceslaus Leszczy-nius*, Praefectus Wyfocensis, & *Stephanus Niszczycius*, Vexillifer Belsensis. Antistes Kioviensis verba fecit. Postea Principis litteras reddidit. Hisce recitatis, a Gnesnenfi Archiepiscopo, Equestrisque Ordinis Mareschalco, eodem modo, quo *Ioanni Casimiro*,  
fuit

fuit responsum. Vide Ducis *Radvilii* Memoriale, *Tom. II.* p. 1608. & *Kochowscii* Annalium Poloniae Climafterem Primum, p. 75.

Tunc demum Christianissimi Gallorum Regis *Ludovici XIV.* Legati, confidentes Ordines salutavere. *Ioannem Casimirum*, Regium Principem natu maximum, ac bellica virtute clarissimum, in Regem commendavere. Vide Ducis *Radvilii* Memoriale, *Tom. II.* p. 1609. sq.

Loeo ultimo, Ducis Neoburgici Oratores, in Reipublicae adspectum prodire. Id ab Ordinibus petentes, ut Regii Principes praecipui Regni candidati haberentur. Vide Ducis *Radvilii* Memoriale, *Tom. II.* p. 1610.

## XCIX.

In *MICHAELIS Electione*, primus omnium S. Sedis Apostolicae Legatus, congregatos Ordines adivit. Missi ab Ordinibus, duo Episcopi, ac sex Palatini, totidemque Terrarum Nuncii, eum ex aedibus suis, in campum deduxere. Currum eius, centum & viginti Senatoriae rhedae antevere. Ab ipso Comitii vallo, usque ad Urbis pomeria, utroque viae latere, Nobilitas armata sub duodesexaginta vexillis constitit. Transeuntem Apostolicum Legatum, armis, vexillisque expansis, & concinentibus signis venerata est. Ingresso Comitium, Senato-



natores atque Nuncii Terrestres, solitam reverentiam praestitere. Gnesnensis Archiepiscopus binos passus ei occurrit. Humaniter acceptum, ad sedendum, inter se & Episcopum Cracoviensem, invitavit. Reddidit Legatus, Archiepiscopo, litteras a Maximo Pontifice, ad Senatum scriptas. Hasce Regni maior Referendarius legit. Scriptam, ad Equestrem Ordinem, epistolam, Marschalcus eiusdem Ordinis recepit. Isque sedens, verum ob reverentiam Apostolicae Sedis, capite nudato, recitavit. Postea Legatus Apostolicus, ad utrumque Ordinem, splendidam ac copiosam orationem habuit. Cui Gnesnensis Archiepiscopus, & Nunciorum Terrestrialium Marschalcus, comiter ac breviter respondere. Vide *Casimiri Zawadzki* Diarium Electionis Regis Michaelis, p. 9. ipsius Historiam Arcanam, p. 16. sq. & Principis *Andreae Chrysofomi Zaluski*, Epistolarum Historico-Familiarium, Tomum I. p. 119.

Post diem tertium, Caesareus Legatus adfuit. Senatorii atque Equestris Ordinis deductores habuit. Inter quos tamen Episcopi non fuere. Qui soli Apostolico Legato id officium praestare solent. Armata Nobilitas sub octoginta octo vexillis, consuetos ei honores exhibuit. Legatus ille, privatim a Gnesnensi Archipraesule monitus, fidei litteras non reddidit, quia in earum inscriptione,

ne, SERENISSIMAE cognomentum, REIPUBLICAE haud attributum fuit. Itaque, medius inter Regni atque Equestris Ordinis Mareschalcos, confidens, praemissa salutatione, adhibitoque Reverendissimorum, Excellentissimorum, Illustrissimorum, SERENISSIMAE huius REIPUBLICAE Senatorum, Regnique Ordinum titulo, demandatam sibi a Caesarea Maiestate Legationem, paucis exposuit. Cui etiam, a Gnesnensi Archiepiscopo, Equestrisque Ordinis Mareschalco, succincte est responsum. Vide *Casimiri Zawadzki* Diarium, p. 13. eius Historiam Arcanam, pag. 22. sq. itemque Principis *Zaluski*, Epistolarum Historico-Familiarium, Tomum I. p. 120. sq.

Destinatus est insequens dies, excipiendo atque audiendo Galliae Regis Legato. Qui, simulata adversa valetudine, non comparuit. Omnem demum audientiam deprecatus, non sine aliqua indignatione, quod Princeps *Condeus*, candidatorum Regni numero exemptus esset. Vide *Casimiri Zawadzki* Diarium, p. 13. & 15. illius Historiam Arcanam, p. 23. & 25. Principis quoque *Zaluski*, Epistolarum Historico-Familiarium, Tomum I. p. 121.

Invitatus exinde Sueciae Regis Orator. Verum is, scriptis ad Regni Procancellarium litteris, diu sibi prorogari petiit; siquidem quibusdam adhuc destitueretur, quae sibi a Rege suo omnino expectanda essent. Vide



Vide *Zawadzki* Diarium, p. 15. eiusque Historiam Arcanam, p. 25. Principis item *Zaluski*, Epistolarum Historico-Familiarium, Tomum I. p. 122.

Tempore igitur ei iam assignato, Brandenburgici Electoris, Prussicique Ducis Legatus, eadem pompa, qua Caesareus, adductus est atque auditus. Vide *Samuelis* de *Pufendorf*, Commentariorum, De Rebus Gestis *Friederici Wilhelmi Magni*, Electoris Brandenburgici, Librum X. §. 87. p. 719.

Proxima luce, Palatini Neoburgici Orator, a congregatis Ordinibus, honorificentissime acceptus auditusque. Hunc statim infecuturi erant Lotharingiae Ducis Legati. Dum autem illi expectarentur, permissum est Curoniae ac Semigalliae Ducis Oratoribus, Legationis suae negotium explicare. Minor iis honor, quam aliorum Principum Legatis, imperitus. Non enim a Regni Poloniae, vel Magni Ducatus Lituaniae, sed a Nobilitatis Mareschalco introducti. Neque etiam inter Mareschalcos, sed extra Senatorium confessum, pone Prussiae Palatinatum sedem, locati fuere. Redditis litteris, ad Rempublicam suppliciter scriptis, praecipuus Orator, Ducis nomine, nonnullas iniurias conquestus est, fidemque promissorum Principi suo exsolvi, a Serenissima Republica petiit. Responsum a Gnesnensi Archipraefule, curaturos Ordines, expeditis negotiis, magis Rempublicam afficientibus, ut iustissimis deside-

desideriis Illustrissimi Ducis satisfiat. Vide *Zawadzki* Diarium, p. 16. illius Historiam Arcanam, pag. 26. & Principis *Zaluski*, Epistolarum Historico-Familiarium, Tomum I. p. 121.

Admissus adhuc Tattaricus Legatus. Cui, a dextro latere, stratus humi erat tapetes, prout nationi isti moris est. Verum ille, Regis absentiam causatus, sellam postulavit. Datum ei sedile, tapete decoratum. Tum barbarus Comitium ingressus, versato in hanc, & illam partem inepto corpore, ad Regni Mareschalcum facie, posteriori parte verius Senatum, confedit. Interpretis opera, aliter confidere iussus, Reipublicae a Principe suo, plurimam salutem dixit. Eiusque nomine, Pactorum Podhajecensium, initaeque cum Republica amicitiae, perenne foedus ab Ordinibus expetiit. Gnesnensis Archiepiscopus, quomodo Illustrissimus Chan Soltan Galga, & Nuradin Soltan, valeant, quaeri iussit. Optime illos valere, respondit. Tum Archipraefulis iussu, Legato interpres inquit, Respublica societatis, cum magno Tattarorum Chano, universaque eorum gente, factae memor, in ea permanebit. Ipsosque, ut integra fide vicissim eam colant, non rogat solum, verum etiam obsecrat. Surgens deinceps de sedili Legatus, propiusque ad Gnesnensem Archiepiscopum accedens, litteras a Principe suo ad Senatum scriptas, ei porrexit. Alteras ad Nobilitatem, Mareschalco Terresrium Nunciorum reddidit. Iterum confidens,

*Exc. Pol. Litt. Vol. II.* L plura



plura ait, ad Rempubicam, sibi esse demandata. Responsum illi ab Archiepiscopo, & Marechalco, Rempubicam ei exponendae Legationis tempus concessuram, cum voluerit; modo prius ipsa, interpretis opera, exhibitas litteras intellexerit. Vide *Zawadzki* Diarium, p. 16. sq. eiusque Historiam Arcanam, p. 27. sq. & Principis *Zaluski*, Epistolarum Historico-Familiarium, Tomum I. p. 121. sq.

Prodeunte demum, ex Vrbe, Lotharingiae Ducis Legatione, ne quid perderetur temporis, Regni maior Referendarius, litteras a Magnae Britanniae Rege, ad Rempubicam scriptas, recitavit. Lectione vix absoluta, appropinquavere Lotharingici Legati. Supremi Poloniae, & Lituaniae, Terrestriumque Nunciorum Marechalci, obviam illis progressi, officiose salutatos, in Comitium introduxere. Iisque media, inter se, subsellia concessere. Litteras ad Senatum, maior Regni Referendarius, ad Nobilitatem, Marechalculus Nunciorum legit. Praecipuus deinde Legatus, facunda oratione, Polonicam Gentem laudavit, Domusque Lotharingicae dignitatem extulit, & Principem suum, regiis praeditum virtutibus, Ordinibus prolixè commendavit. Cui, a Gnesnensi Archiepiscopo, & Nunciorum Terrestrium Marechalco, responsum est, Polonos Regem electuros, quem ipsis fata caelumque destinaverint. Vide *Zawadzki* Diarium, p. 17. seq.

Histo-



**Historiam** quoque Arcanam, p. 28. sq. & Principis *Zaluski*, Epistolarum Historico - Familiarium, Tomum I. p. 122.

Adfuit, ad extremum, Suecicus Orator, solemnī more acceptus auditusque. Vide *Zawadzki* Diarium, p. 21. ipsius Historiam Arcanam, p. 32. & Principis *Zaluski*, Epistolarum Historico - Familiarium, Tomum I. p. 122.

### C.

Tempore *Electiois* IOANNIS III, primus iterum ordine, in augustissimum Republicae conspectum confectumque venit, Pontificius Legatus. Superbo advectus curru Episcopi Cracoviensis, qui Regni Ordinum consensu, aegroti tunc Primatis munus explevit. Pompam, praesentium Regni Procerum rhedae ac milites, copiosaque praecipue Nobiliorum iuvenum manus, adornavere. Descendenti Legato, & Regni Poloniae, & magni Ducatus Lituaniae, Equestrisque Ordinis Mareschalci, obvii fuerunt. A quibus, post officia venerationemque, in Comitium est introductus, interque Episcopum Cracoviensem, & Vladislaviae Antistitem, collocatus. Redditae sunt inprimis Cracoviensi Praesuli, summi Pontificis, ad Senatum, litterae. Ac statim a Magno Regni Secretario recitatae. Aliae deinde Pontificiae, ad Nobilitatem, litterae, e Legati



manu, ab Ordinis Equestris Mareschalco reverentissime acceptae sunt, atque lectae. Ipse demum Legatus, ad Senatores simul, & Nuncios Terrestres, verba fecit. Cui, pro Senatu, Episcopus Cracoviensis, pro Nobilitate vero, Equestris Ordinis Mareschalcus respondit.

Caesareo Oratori par paene honos habitus est. Medio autem ille, inter Regni, & Equestris Ordinis Mareschalcos, loco confedit. Vnam epistolam, ad Senatorium atque Equestrem Ordinem scriptam, attulit. Eamque magnus Regni Secretarius legit. Orator ipse, ad Vtrumque Ordinem, pauca locutus. Cui, Cracoviensis Episcopus, & Equestris Ordinis Mareschalcus, responsum paucis reddidere.

Regis Galliae Legatus, regali plane apparatu, & invidendo comitantium atque deducantium splendore, dispositis ante Comitium armatis Reipublicae cohortibus, inter signa militaria & vexilla, exceptus est. Eique adventanti, praeter Poloniae & Lituaniae, Equestrisque Ordinis Mareschalcos, complures alii Senatorii Ordinis, e Comitio obviam processere. Duas litteras porrexit, Senatorio unas, alteras Equestri Ordini. Illas Magnus Regni Secretarius, has Equestris Ordinis Mareschalcus recitavit. Locuples fuit Legati oratio, & elegans, & magnifi-

gnifica, tamque augusto Senatorum atque Nobilium concilio coetuque digna. Cui Cracoviensis Praeful, & Equestris Ordinis Mareschalcus, pari ingenii vi sermonisque copia atque ornatu, responderunt.

Lotharingiae Ducum Oratores, Cracoviensis Praefulis curru, praeuntibus aliis Senatoriis rhedis, decentique Nobilium comitatu, adducti sunt. Venientibus, solus Equestris Ordinis Mareschalcus, ad portam Comitii, occurrit. Introeuntes a Mareschalcis Regni & Lituaniae salutati sunt. Medii-que inter eos confedere. Uterque litteras, a Duce suo, ad Senatum & Equestrem Ordinem scriptas, exhibuit Antistiti Cracoviensi. Qui Mareschalco Equestris Ordinis recitandas dedit. Oratoribus, a Cracoviensi Episcopo, Equestrisque Ordinis Mareschalco, est responsum.

Neoburgicus Legatus, eodem modo, quo Lotharingici Oratores, acceptus, inque Ordinum confessum perductus est. Litteras fidei Magnus Regni Secretarius recitavit. Legato, Cracoviensis Antistes, & Equestris Ordinis Mareschalcus, responsum dedere. Surgente iam Senatu, litterae Ducis Mutinensis allatae sunt. Lectaeque a majore Regni Referendario. Qui Ducis negotia Varaviae tractabat, ab Ordinibus non est admissus, quia Legati honore non



erat insignitus. Eadem ratione, Sabandiae Ducis internuncius, Reipublicae aditu abstinuit. Ducis litterae, coram Ordinibus, sunt recitate.

Curoniae Ducis Legato, Regni Ordines adeunti, extra circulum Senatorum, medius, inter Novogrodenfium, & Cuia-viensium Terrarum Nuncios, locus datus est. Redditis, & Senatui, & Nobilitati, fidei litteris, iisque publice recitatis, Legatus ornatissimis verbis, Ducem suum a Reipublicae clientela exsolvi petiit, qui retribuendis sibi a Republica grandibus debitis vicissim sit cessurus. Promissum a Cracoviensi Episcopo, Equestrisque Ordinis Mareschalco, Ducis postulatum, electo atque inaugurato Rege, expensum iri.

Regis Daniae Orator, & Electoris Brandenburgici Legatus, morbo affecti, Rempublicam salutare nequiverunt. Danus tamen Regis sui litteras ad Ordines misit. Qui, per duos primarios Nobiles, cum illo egerunt. Vide manu scriptum Diarium Electionis Regis *Joannis III*, sub Dies V, VII, IX, & XII, itemque XVI, XVIII, & XIX. Mensis Maii.

## CI.

In *Electione* AVGVSTI II, Legatus Apostolicus, *Ioannes Antonius De Via*, Archipraeful Thebarum, a duobus Episcopis

pis, unoque Palatino, ac tribus Nobilitatis Nunciis, ad Regni Ordines deductus est. Primatiali curru vectum, frequens rhedarum Senatoriarum numerus, & ingens multitudo Nobilium antecessit. Appropinquanti, alii duo Episcopi, Regnique & Lituaniae, Equestrisque Ordinis, Mareschalci occurrere. Ingrediendi omnes assurrexere. Primas, *Michael* Cardinalis *Radzieiowius*, comiter atque amanter eum complexus est. Mediamque, inter se, & Leopoliensium Archipraefulem, sedem ei obtulit. Legatus, Cardinali, binas a Pontifice Maximo litteras reddidit. Vnas ad Senatum, Magnus Regni Secretarius legit. Alteras ad Equestrem Ordinem, huius Mareschalcus recitavit. Blandum deinde ac politum sermonem Apostolicus Legatus habuit. A quo Maioris Poloniae Nobilitas vehementer postulavit petiitque, ut coram Republica, nomine Sanctissimi, praetensioni ad conferendas Abbantias, cum praejudicio iuris Patronatus Regii, renunciaret. Conversus ad eam, Equestris Ordinis Mareschalcus, inhibito clamore, Sanctissimus, inquit, ad Reipublicae totius instantiam, a provisionibus ad Abbantias recedit, promittitque investiendo tam eos, qui fuerunt a Rege defuncto nominati, quam qui in futurum nominabuntur. Statimque Cardinalis, Regni Primas, ac post eum, ille ipse Mareschalcus, impertitam Reipublicae a Pontifice Maximo benedictionem, restitutamque Re-



gi in creandis Abbatibus auctoritatem, gratiarum actione prolecutus est. Legatus denique, iisdem comitibus, quibus venerat, domum reverſus. Vide *Mſtum* *Diarium* *Electi* *onis* *Regis* *Auguſti* *II*, ſub *Die* *XX*, *Menſ.* *Iunii*. *Principis* *que* *Zaluſki*, *Epistol* *arum* *Historico* - *Familiarium*, *Tomum* *II*. p. 344.

Orator *Caesaris*, *Ioannes Philippus Lambergius*, *Episcopus* *Pallaviensis*, eximia pompa adductus, medium, inter *Supremos* *Poloniae* atque *Litvaniae* *Mareſchalcos*, locum obtinuit. *Treditis*, ab eo, *fidei* *litteris*, *INCLYTAE REIPUBLICAE* *titulus* *inſcriptus* *fuit*. *Vnde* *Terreſtres* *Nuncii* *pergraviter* *offenſi*, *Magno* *Regni* *Secretario* *interceſſere*, quo minus eas legeret. *Post* *magnas* *contentiones*, *data* *est* *Lambergio* *potestas* *dicendi*, *ea* *condi* *tione*, ut in *oratione* *ſua*, *Rempublicam* *Sereniſſimam* *appellaret*. *Cui* *ſapiens* *ille* & *callidus* *Praeful* *obtemperans*, *Polonicam* *gentem* *miris* *laudibus* *praedicavit*, *eam* *que*, ob *liberatam* *Viennam*, *ſupra* *alias* *omnes* *Nationes* *extulit*, & *Rempublicam* *frequenti* *SERENISSIMAE* *cognomine* *veneratus* *est*. *Ad* *extremum*, *Principem* *Iacolum* *Sobieſcium*, *defuncti* *Poloniae* *Regis* *filium* *maximum*, *Germanorum* *Caesaris* *aſſinitate* *clarum*, *militiae* *que* *ſtrenuum*, & *gubernandae* *Reipublicae* *in* *primis* *peritum*,

tum, creandum Regem Ordinibus impense commendavit. Sub ipsum finem orationis, *Lambergio* plurimus ex naribus sanguis profluere coepit. Quare ei, a Cardinali, Regni Primate, Terrestriumque Nunciorum Mareschalco, cursum & breviter est responsum. Vide *Diarium Electionis Regis Augusti II*, sub Diem XXI, Mensis Iunii, & Principis *Zaluski*, *Epistolarum Historico-Familiarium*, Tomum II, p. 347.

Legatus Gallicus, *Melchior Polignacus*, scriptam ad Regni Senatores Equitesque orationem, divulgavit. Metu tamen alicuius contumeliae, Reipublicae faciem haud subiit. Cardinalis autem Primas, Gallis amicissimus, reliquis Legatis, adeundi Ordines copiam, brevioris temporis & spatii obtentu negavit. Vide *Diarium Electionis Regis Augusti II*, sub Diem XXVI, Mensis Iunii, Principisque *Zaluski*, *Epistolarum Historico-Familiarium*, Tomum II, p. 349. & 364. una cum *Lengnichii Historia Polona Ampliore*, p. 301. sq.

## CII.

Ante geminam STANISLAI I. atque AVGVSTI III. *Electionem*, solus ex omnibus, Pontificius Legatus, a Regni Ordinibus publice auditus. Duo Praefules, magno ac splendido comitum nume-



ro, ipsum adduxere. Ante Comitium, faeculares tres Senatores, ac seni ex singulis gentibus Nobiles, eum excepere. Intran-tem cuncti simul surgentes maxima reverentia coluere. Prope accedentem, obvius paululum, Princeps Regni Primas, in sellam a dextra collocatam, invitavit. Allatas, ab eo, Pontificis Maximi, & ad Senatum, & ad Nobilitatem litteras, Regni maior Referendarius recitavit. Legatus, Pontificis singulare in Polonos studium, verbis amplissimis explicavit. Magnoque opere, ab omnibus, & singulis contendit, ut Regem, avitae & Catholicae pietatis cultorem, crearent. Cui Princeps Regni Primas sancte pollicitus est, Senatum Apostolica benedictione munitum, Regem talem electurum, qui verus Catholicae Ecclesiae filius, verusque Orthodoxae Religionis defensor sit, ac debito erga Apostolicam Sedem zelo, fidelique in Pontificem Maximum obsequio, nulli quidem Christiano Principi cedat. Surgens venerationis causa, Equestris Ordinis Marschalcus, idem pro Nobilitate sponndit. Vide *Iosephi Mogilnicii*, Praefecti Nieffavien-  
sis, manu exarata Acta Interregni, post Fata Serenissimi *Augusti Secundi*, Regis Poloniae Et Electoris Saxoniae, A. MDCCXXXIII, Mense Septembri, Sub Diem X.



## CIII.

*Comitiorum Electionis* solemnia laeto admodum successu celebrantur. Concionem habuit Smolensciae Episcopus, *Gabriel Wodzinskius*, corporis sublimitate, ardore oculorum, frontis auctoritate, gestus praestantia, vocis etiam iucunditate claritateque, & argumentorum gravitate, omniumque verborum ponderibus plane admirabilis. Facundissimus ille Praesul, liberae Genti suae suator & auctor est, ut avi decoris haud immemor, non alium, nisi ex utrisque parentibus indigenis genitum, patriisque imbutum moribus & optimis disciplinis institutum, Catholicae doctrinae praeceptis Sacrorumque veterum ritibus innutritum, Ordini ecclesiastico benevolum, & omni Populo suo benignum, virtute eximium, pietati inprimis deditum ac iustum, legumque patriarum & gerendae Reipublicae bene peritum, Regem eligat. Terrarum Nuncii, egregie concordes, Magnum Lituaniae Notarium, *Iosephum Sosnowscium*, Suae Polonicae medullam, Mareschalcum suum consalutavere. Secretarii munus, *Ioannes Szadurscius*, Livoniae Dapifer, probatae fidei ac cognitae dexteritatis vir, obtinuit.

## CIV.



## CIV.

CLEMENTIS XIII, Maximi & Sapientissimi Pontificis Legatus, *Antonius Eugenius Vice-Comes*, Ephesinus Archiepiscopus, confidentes in Comitio, Regni Ordines solenni ritu salutavit. Pompam duxerunt, missae a Magni Lituaniae Ducatus Mareschalci equitum turmae, exquisito apparatu instructae. Quas insectae sunt Regni Procerum rhedae, omni ornamentorum genere, selectoque ac numerofo famulitii comitatu conspicuae. Terrarum deinde Nuncii, ad deducendum Apostolicum Legatum, a Polonico atque Lituano Equestri Ordine constituti & designati, Principis Regni Primatis curribus vehebantur. Proxima iis, in equis successit, Optimatum & opulentiorum Nobilium lectissima soboles. Tum demum Legatus ipse Apostolicus, eminentiori Primatis curru vectus. Sedere contra eum, qui Senatorii Ordinis officia ad ipsum detulerunt, *Andreas Baierus*, & *Iosepus Zaluscus*, alter Culmensis & Pomesanienfis Praeful, alter Kioviae atque Czerniechovia Antistes. Primaria Legati Apostolici rheda, vacua pone secuta. Aliae duae ipsius Praelatos atque Nobiles vexere. Agmen, honoris humanitatisque causa,

causa, clausit praestantissima Reipublicae equestris cohors, quae prudentissimi & fortissimi viri, *Casimiri Poniatovii*, Poloniae Archicamerarii, curae ac fidei commendata & concredita est. Venientem Legatum, prae Comitio, delecti ex utroque Ordine primae dignitatis viri, opperiti sunt. Ingredientem Lituaniae Mareschalci cum scipionibus proxime praecesserunt. Totus Senatus, ut eum vidit, a sedibus surrexit. Princeps Regni Primas, quinque passus propior ei factus. Post mutuam salutationem, Legatus Primati Pontificias, ad Senatorium Ordinem, litteras porrexit. Alteras, ad Ordinem Equestrem, Nunciorum Mareschalcus, ab ipso, recepit. Legato, inter Principem, Regni Primatem, & Leopoliensem Archipraefulem, sella ornatior pauloque excelsior tributa. Sedente eo, omnes confedere. Tum Magnus Regni Secretarius, a Supremo Lituaniae Mareschalco appellatus, Pontificis Maximi ad Senatum litteras, elata voce legit, hunc in modum conscriptas:

**DILECTIS**



DILECTIS FILIIS, NOBILIBVS VIRIS,  
ORDINI SENATORIO REGNI POLONIAE  
ET MAGNI DVCATVS LITVANIAE.

## CLEMENS PAPA XIII.

**D**ilecti Filii, Nobiles Viri, Salutem & Apostolicam Benedictionem. Cum, in Poloni Nominis virtute, intelligamus firmum Christianae Reipublicae & Catholicae Religionis positum esse praesidium, nil tantopere cupimus, quam eum inclytae Genti Vestrae praefici Regem, qui verae pietatis cultor, tum iustitia, fortitudine, caeterisque Regiis ornatus virtutibus, ita Regalia obeat munia, ut & Catholica Fides in Religiosissimo Regno conservetur incolumis, Vosque perpetua pace & tranquillitate perfruamini. Sed, ad tuendam Religionem, avertendamque a rebus Vestris perturbationem, videte Dilecti Filii, Nobiles Viri, ne quidquam moveatur de iis Legibus, quas Maiores Vestri adversus Dissidentes a Catholica Fide constituerunt: & si quae, ad eas Leges mutandas, consilia ineantur, iis omni conatu resistatis, oportet; si Vobis est cordi vera pietas, & Regni securitas, quae quidem novimus Vobis esse carissima. Sed, de his omnibus, Nostro nomine, Vobiscum aget Venerabilis Frater, *Antonius Eugenius*, Archiepiscopus Ephesinus, Noster & huius Apostolicae Sedis Nuntius, cuius verbis omnem, ut Nobismet ipsis, fidem adhibebitis. Et Patrem Luminum enixe precantes, ut caelestis suae gratiae luce, Vestrum animum in his Comitibus illustret, suoque permoveat Numine, Nobilitatibus Vestris Apostolicam Benedictionem peramanter impertimur. Datum Romae apud Sanctam Mariam Maiorem, sub Annulo Piscatoris, die II. Iunii MDCCLXIV. Pontificatus Nostri Anno Sexto.

*Michael Angelus Giacomellus.*

Alteras

Alteras deinde, ad Nobilitatem, litteras, Comitiorum Secretarius, a Mareschalco Equestris Ordinis vocatus, recitavit. In quibus haec erant scripta:

DILECTIS FILHS, EQVESTRI ORDINI  
REGNI POLONIAE ET MAGNI DVCATVS  
LITVANIAE.

## CLEMENS PAPA XIII.

**D**ilecti Filii, Salutem & Apostolicam Benedictionem. Quanti a Vobis fiat incolumitas Religionis, ac Polonici Regni Vestri tranquillitas, satis Nos certos facit praeclara virtus atque indoles, quam veluti haereditatem opulentissimam accepistis, a fortissimis & piissimis Maioribus Vestris, qui pro conservanda Catholica Fide, & Patria defendenda, ad omnes dimicationes se obiecerunt. Itaque, cum in Comitiiis proxime habendis statuendum sit, quem potissimum Religionis Catholicae vindicem, & Regni Vestri custodem idoneum iudicetis, dubitare non possumus, quin illud in hac tanta deliberatione unice spectaturi sitis, quod in rem Catholicam, & in publicam Regni utilitatem, futurum iudicaveritis. Et vos quidem satis ardentibus & erectis ad rem bene gerendam existimamus. Sed tamen hisce Nostri litteris alacritatem Vestram adhuc incendendam putavimus, ne in gravissimo negotio, quod ad Catholicam Religionem maxime pertinet, Apostolica Nostra deesse viderentur officia. Novimus avitae Religionis Vos esse studiosissimos, & erga hanc Sacram *B. Petri* Sedem ardenti devotione incendi, Vestrarumque Legum miro modo tenaces, nil tantopere velle, quam ut sancte serventur. Ne igitur unquam patiamini labefactari quidquam de legibus, quas adversus Dissidentes a Catholica Religione, Maiores Vestri tulerunt, tanta Sui cum laude, & totius Ecclesiae approbatione. His legibus tutandis conservandisque idem promerebitis, quamobrem, in eligendo Rege, praesenti Vos Deus adjuvet



adiuvet auxilio. Et magnam referetis verae pietatis gloriam, & arctiori benevolentiae vinculo ipsi Vobis devincietis Apostolicam Sedem. Sed haec uberius Vobis exponet Venerabilis Frater, *Antonius Eugenius*, Archiepiscopus Ephesinus, Noster Apostolicus Nuntius, cuius verbis eam habebitis, quam Nobismet ipsis fidem adhiberetis. Vobisque, Dilecti Filii, Apostolicam Benedictionem peramanter impertimur. Datum Romae apud Sanctam Mariam Maiorem, sub Annulo Piscatoris, die II. Iunii MDCCLXIV. Pontificatus Nostri Anno Sexto.

*Michael Angelus Giacomellus.*

Quibus perlectis, Legatus Apostolicus, Senatorium simul Equestremque Ordinem, sic allocutus est:

ILLVSTRISSIMI ET REVERENDISSIMI,  
ILLVSTRISSIMI ET EXCELLENTISSIMI,  
PERILLVSTRES ET REVERENDISSIMI,  
MAGNIFICI ET GENEROSI  
DOMINI.

**Q**uanta benevolentia SSmus Dnus Noster, CLEMENS Decimus Tertius, Pontifex Maximus, Serenissimam Rempubicam Vestram prosequatur, Dñes Vestrae Illmae & Rmae, Illmae & Excellmae, Perillustres & Rmae, Magnificae & Generosae, ex Eius peramantissimis acque, ac honorificentissimis Apostolicis Litteris, in forma Brevis, mox pro concione recitatis, intelligere abunde potuerunt. Quamquam etiam non obscura eius rei argumenta, ipsis dederit, superiore anno, cum beneficia Ecclesiastica alternis mensibus largiendi liberum arbitrium, Collegio huic Episcopali libentissime confirmavit. Haec etfi per se satis magna cuique videri possint, amor tamen Sanctitatis Suae, in Vestros Ordines, his circumferibi limitibus, atque intra tales veluti cancellos se contineri, non est passus.

Qua-

Quapropter mandavit mihi Legato suo, ut Vos, Conventum pro Rege eligendo, more maiorum agentes, publice solemniterque adirem, atque Excellentissimo Senatui, Inelytoque Equestri Ordini, benevolos animi sui sensus, quo studiosius atque amantius possem coram, ipsius nomine, declararem. Summa illorum haec est: Se nihil aliud ardentius cupere, nihil aliud magis sibi curae esse, quam ut Serenissimae Reipublicae Vestrae firmitas, amplitudo, Maestas, felicitas, acceptaque a Maioribus cum virtutis, tum Catholicae Religionis gloria, qua inter ceteros Europae nobilitatur Nationes, salva semper incolumisque servetur. Id quominus sit aliter, efficitur non modo charitate eius paterna, qua Serenissimam Rempublicam non secus ac charissimam Filiam ipse complectitur, verum etiam ex Vestra in Apostolicam Sedem pietate obsequioque, quod Summo Christi in Terris Vicario, veluti Catholicae Vuitatis Centro, per omnem ætatem laudabiliter, iure, meritoque praestitistis. Quemadmodum autem Navis procelloso, ventosoque commissa pelago vix, ac ne vix quidem fieri potest, ut in eum, ad quem dirigitur, portum illaesa invehatur, nisi ad illius Clavum solers, gubernandique prudens Nauta assideat, qui & ingruentes ventos prospicere, & circumfidentes scopulos declinare, & latentes denique syrtes cavere noverit, ita Beatissimus Pater auctor est magnoque opere hortatur Dominationes Vestras Illustrissimas & Reverendissimas, Illustrissimas & Excellentissimas, Perillustres & Reverendissimas, Magnificas, ac Generosas, ut omni privata ratione posthabita, Patriae tantum amore ducti, concordii suffragio, tranquilloque consilio eum deligant Regem, qui rerum gerendarum prudentia, iudicii gravitate, animi magnitudine, sapientia denique non mediocri pollens, legum Vestrarum custodiam continenter excubando, comoda Regno maxima comparare; quidquid verò, a quo vel gloriae, vel potentiae Vestrae detrimentum timendum sit, praecavere antea, ac dissipare opportune possit. At vero, quod omnium caput est, Catholicae Religionis non ad speciem, aut consuetudinem tantum Sectator, sed sincerus cultor, & propugnator

*Exc. Pol. Litt. Vol. II.* *M* firmus



firmus existat, ut iure gloriari possit ORTHODOXI appellatione, quam ante cum Reges Vestri, veram fidem tuendo acriter, atque amplificando, obsequioque in Apostolicam Sedem, maxime meruerunt. Hae sunt dotes vere Regiae, atque ex harum temperamento virtutum exsurgit mirabilis illa, ac quasi divina indoles, qua is, qui praeditus est, regendis imperio Populis admoventi meretur. Sapientia Vestra, pietas in Deum eximia, charitas, quam Patriae debetis, spem mihi certam faciunt, gravissimum hoc negotium, unde salus pendet Civium, avitaeque Religionis Vestrae, eo, quem Summus Pontifex optat, exitu, naviter a Vobis expeditum iri. Orationis igitur meae vela contraham; sed antequam id facio, sinite quaeso, ut peculiaris amoris mei, quem humanitate Vestra, erga me, summa meriti estis, argumentum praebeam, Deumque Optimum Maximum enixe precer, qui Sancti Spiritus lumine, auxilioque, mentes omnium Vestrum repleat, atque illustret, ut Dominationes Vestrae Illustrissimae & Reverendissimae, Illustrissimae & Excellentissimae, Perillustres & Reverendissimae, Magnificae & Generosae, nil nisi quod cum ipsius Dei honore, cum Vestra, Vestrique Regni amplificatione & gloria coniunctum sit, statuere valeant.

Ei Princeps, Regni Primas, hoc modo respondit:

**N**ovit optime Sanctissimus Pontifex, CLEMENS XIII, omnes, qui sunt Eius. Novit Nos, filios suos, Sanctae Sedi semper devotissimos. Oracula ipsa Sedis Apostolicae sat clare Regnum Poloniae, & Orthodoxum, & antemurale Christianitatis nuncupari, Primatesque suos nasci Legatos Apostolicos voluerunt. Haec continua, erga nos, Supremorum in Terris Christi Vicariorum benevolentia, Nostraque erga Eosdem illibata & religiosa veneratio, nupernaeque confirmationis alterorum mensim, gratissima recordatio sufficiunt, ut Illustrissimae & Reverendissimae Dominationi Vestrae persuasum sit de summo Nostro in *Sanctissimum Patrem* filiali amore, nec non de singulari



lari in Te, Eius dignissimum Legatum, observantia. Campus iste, toties optimis auspiciis Summorum Pontificum honoratus, testari posset, quo studio constanter semper, Maiorum Nostorum more & exemplo, feratur, ut Nostra *Sedi Apostolicae* submissio & devotio, omni tempore, universo orbi sit manifesta, quamque parati sumus, pro fide & Ecclesia litare vel vitam cum sanguine. Audivimus summa cum animorum voluptate, Litteras Apostolicas, evidens argumentum Paternae sollicitudinis, de Reipublicae huius pace & tranquillitate. Optimamque Supremi Vicarii Christi in Terris voluntatem, in Nos, disertissime per Illustrissimam & Reverendissimam Dominationem Vestram explanatam, intelleximus. Gratulamur Nobis, Legem nostram, de eligendo Rege Catholico, cum mente *Sanctae Sedis* convenire. Talem itaque, & non alium, Pium, Iustum, Prudentem, & Legibus patriis imbutum Piastrum, seu verum Regni Indignam, omnes a Deo Optimo Maximo exoptamus, & poscimus. Dum vero *Beatissimo Patri*, in holocaustum perenne grati omnium animi, alacritatem tuendae Religioni consecramus, Nosque universos eidem defendendae quodammodo immolamus, Tibi, Illustrissime & Reverendissime Domine, Pontificiae erga Nos caritatis fidei Interpreti, solennes reddimus gratias, pro compluribus animi Tui erga communem felicitatem nostram propensi testimoniis, & ad quaevis officia omnimodam propensionem exhibemus.

Nobilitatis autem nomine, huius Marchalcus, in hanc maxime sententiam differuit:

Quanto cultu & obedientia, quanta religione & devotione, Respublica Polona *Sanctissimam Apostolicam Romanam Maiestatem* colat, vel inde colligere liceat, quod Sereuissimi Poloniarum Reges Orthodoxi, Respublica vero Nostra antemuralis Christianitatis praestantissimum agnomen, divino Summorum Pontificum effato meriti sint. Profecto, si veterum, & ceterioris saeculi, Annales nostros revolvare, si Regum



nostrorum pietatem recensere, si orationem, nomine *Sigismundi Augusti* Regis Poloniae, ad *Pium quintum* Pontificem Maximum dictam, retexere liceat, sat constabit & manifestum erit, Rempublicam & Reges nostros, fide integros, pietate spectatos, zelo strenuos, erga Sanctissimos Dei in Terris Vicarios, continuo, ab ipso Christianae in Polonia Religionis ortu, existitisse. Non tamen haec ostentandi gratia, sed filialis meriti & amoris ergo, atque quantum a Maioribus, haec pietas inis sit nostris infixam medullis, recensere liberet, nisi & modesta propriae praedicationis verecundia, & officiosa (ne longo sermone morer) continentia prohiberet. Nolo igitur, ex Triumphantis Ecclesiae beato sinu, Militantis coetus inclytos & gloriosos evocare Manes, unde plurima, pro significanda animi nostri in *Sanctissimam Sedem* devotione, argumenta fumerent. Sed facile cogitatu, clarumque obtutu liquet & patet, effusam cunctorum laetitiam exuberans gaudium, omnesque animi sensus & facultates, summa gratitudine cumulari, cum Te, Illustrissime & Reverendissime Legate Apostolice, Praesul omni dignitate, virtute, & sanctimonia probatissime, qui omnium Nostrum amor diceris, Paternam Nobis, a *Sanctissimo CLEMENTE Decimo Tertio* communi universae Christianitatis Patre, Benedictionem impertientem videmus & veneramur.

Inclina benevolam aurem! Intende divina quadam penetratione refulgentes oculos! Videbis procul dubio Celsissimum Principem Primatem Nostrum, virtutes & pietatem Tuam, velut speculo refractas, referentem; cum sacro Magistorum Antistitum coetu, super ingenti mole eligendi futuri Regis, summe sollicitum, strenuum tamen, nec fatiscentem, immo per collatam Sanctissimi Pontificis Benedictionem, magno spiritu & spe optima erectum. Videbis Illustrem Senatam, augusta magnanimitate & amabili suavitate compositum, pio ac prudenti Officio erga Patriam sollicitè intentum; adeo, ut plurimos hic magna gravitate CATONES, & prodigos sanguinis atque animae pro Bono publico AEMILIOS, velut in media Roma, perspicere queas. Videbis in Equestri Ordine GRACCHOS nobi-

nobilissimos, immo devotos pro salute Imperii C V R-  
T I O S; omnem autem, omnis conditionis, & aetatis  
Populum, inlita (ut supra dixi) a Maioribus, Re-  
gumque nostrorum laudatissimis exemplis, pietate, er-  
ga *Sanctissimam Apostolicam Sedem* obsequentissimum,  
& perpetui cultus ac Religionis tenacissimum.

Iam haec a Celsissimo Primatè Regni Nostri, emerito  
immortalitatem ore dicta abunde, audivisti. A me  
nunc, inornata licet Minerva dicente, audire patiaris!  
nihil nostris mentibus, & cordibus, intimius ac pro-  
fundius infixum esse, quam ut post acerbam, ex obitu  
Pientissimi & Optimi Regum, *Serenissimi* A V G V-  
S T I I I, (sicut speramus iam astra tenentis) orbita-  
tem, futurum Regem nostrum, utroque Polono Pa-  
rente, gloriose ortum, in Orthodoxa Fide genitum,  
& religiose educatum, summisque virtutibus praedi-  
tum, ac tantae moli, aetate atque indole parem, eli-  
gere possimus.

Quo in voto, & opere nostro, dum gratiosissimam  
a *Beatissimo Patre* Benedictionem, summa cum reve-  
rentia, & ineffabili gratiarum actione obtinemus, in-  
genti spe erigimur, faxint *Superi!* prospere id & com-  
mode universae Christianitati, Vicinis nostris, & *Po-  
lonae* inprimis *Reipublicae*, eventurum. Nunc No-  
bis nihil superest, nisi Deum ter Optimum Maximum  
ardentibus precari votis, ut sicut Diadema Regium,  
beneficio *Sanctissimae Sedis*, Principibus Nostris de-  
latum est, ita quoque *Beatissimus Pater*, Serenissi-  
mum futurum Regem Nostrum, dilectum Filium  
suum, & Rempublicam Nostram, in sancta Fide illae-  
sam, immotamque cunctis casibus, Paternis suis Be-  
nedictionibus fovens & erigens, *Orbi Christiano*, ad  
maiorum Supremi Numinis gloriam, & ad tuendam,  
& ampliandam Ecclesiam-Dei, quam diutissime interfit  
& imperet.

His dictis & actis, Legatus Apostolicus,  
iisdem comitantibus Episcopis atque Nobi-  
libus, a quibus adductus fuerat, in aedes  
suas recessit. Vbi suavissimus atque opti-



mus Praeful, fingulo cuique, pro testata fibi tam propensa voluntate, eximiaque pietate, blandissimis verbis gratias egit, Maximique & Sanctissimi Pontificis nomine, Apostolicam benedictionem largitus est.

## CV.

Sagax disertusque Senex, *Hermannus Carolus Comes Kaiserlingius*, CATHARINAE II, Augustae Russorum, magnus Legatus, gravi ac perniciali morbo domi detinetur. Eius nomine, primarius Imperatoriae Legationis Secretarius, ad congregatos Regni Ordines, magnifico ornatu accessit. Scriptam, ab Imperatrice, ad Senatum epistolam, una cum exemplo orationis, quam Legatus ipse, ad Vtrumque Ordinem habiturus erat, Principi, Regni Primate, tradidit. Aliam autem ad Nobilitatem epistolam, Mareschalco Nunciorum dedit. Priorem recitabat Magnus Regni Secretarius. Quae ita se habet:

**D**ivina favente Clementia, Nos CATHARINA *Secunda*, Imperatrix & Autocratrix totius Russiae, Moscoviae, Kioviae, Vlodimiriae, Novogardiae, Czarina Casani, Czarina Astrachani, Czarina Sibiriae, Domina Plefcoviae, & Magna Dux Smolensci, Dux Esthoniae, Livoniae & Carcliae; Tueriae, Iugoriae, Permae, Wiatkae, Bulgariae, & aliorum Domina; Magna Dux Novogardiae inferioris Terrae, Tzernigoviae, Resaniae, Rostoviae, Iaroslaviae, Beloseriae, Vdoriae, Obdoriae, Condinae, totiusque Septem-  
trio-

trionalis Plagae Dominatrix, & Domina Iverienſis Terrae; Cartalinenſium & Gruſinenſium Czarorum, Cabardinenſis Terrae, Czercalinenſium ac Montanorum Ducum, aliarumque multarum Terrarum, Haereditaria Domina, & Dominatrix. Celiſſimo Principi, VLADISLAO LVBIENSKI, Archiepiſcopo Gneſuenſi, Regni Poloniae Magnique Ducatus Lituaniae Primati, & Supremo Principi: Eiuſdemque Regni, atque Magni Ducatus Lituaniae Illuſtriſſimis & Reverendiſſimis, Illuſtribus ac Magnificis, Dominis Senatoribus, & Miniſtris Status, Salutem amicam & vicinam. Quamquam Imperium omnium Ruſſiarum, per longiſſimam iam annorum ſeriem, tum amicitiae, tum mutuae utilitatis vinculis, cum Sereniſſima Veſtra Republica arctiſſime connexum fuerit, nulla tamen haecenus opportuniſſima obvenit occaſio, ſinceritatem benevolentiae, erga Vos, eiſdem Vobis demonſtrandi, praeter eam, quam arduum, quod apud Vos iam agitur, & omnium animos in ſe vertit, negotium Nobis impraeſentiarum ſuppeditat. Electione novi Regis, & diademate digni Succeſſoris, qui Patrioticis Veſtris Conſiliis adiutus, Sereniſſimae Reipublicae ſalutem non tueri tantum, ſed augere queat, propter proximam Imperii Noſtri vicinitatem, cordatunſque, quo tenemur, deſiderium, inviolabili concordia cum Republica permanendi, Nos imprimis tangit. Haec itaque cauſa eſt, cur neceſſarium iudicamus, non ſolum hiſce litteris, quantam tanti negotii partem ſumamus, certiſſimos Vos reddere; ſed novis etiam mandatis inſtruere, quemadmodum hoc ipſo inſtruimus, ſervato eodem charactere, Extraordinarium & Plenipotentiarium Noſtrum Oratorem, Conſiliarium actuale Intimum, Ordinumque Sancti Andreae, Sancti Alexandri Nevaenſis, & Aquilae Albae Equitem, Dilectum, Fidelem, & Generoſum *Hermannum Carolum* Comitem *Kayſerling*, cuius ardor laudabilis, in augenda inter Nos concordia, Vobiſmet ipsis, multorum annorum experientia, iam abunde cognitus eſt; eo ſine, ut Sereniſſimae Reipublicae, in comitiis Electionis, conveniente aſſecuratione amicitiae & benevolentiae Noſtrae, tum erga illam in genere, tum ſpeciatim



ciatim erga Celsissimum Primatem, singulaque Illustris Senatus membra, inmutabiliter servandae, solemniori modo repetat, istamque simul Vobis omnibus re ipsa probet, meliori iudicio Vestro, tanquam insignioribus Reipublicae partibus, qui officiis atque meritis Vestris, singularem apud Concives Vestros auctoritatem & fidem Vobis comparastis; id commendans, ut omnem operam navetis, quo Nobilitas ad tantam sibi ipse ipsi gloriosam concordiam adducatur, ut liberis suis suffragiis talis Piafatus ad solium Regium evehatur, qui cum caeteris Principi congruentibus animi dotibus, tam necessaria Legum & Constitutionum Patriae scientia, zelo cognito pro libertatibus & praerogativis Concivium suorum, infracta animi firmitate in promovenda utilitate communi, aetate longum Regnum praenunciante, ac moribus denique a superbia & inquietudine longissime remotis, qui Reipublicae Vicinis sollicitudinem nullam creare possint, sit praeditus. Quae merita omnia & singula, in Persona Perillustri STANISLAI PONIATOWSKI, Dapiferi Magni Ducatus Lituaniae, unita occurrunt. Hinc Eum, tanquam ad Thronum dignum, habilem, & utrique Genti utilem, iterum iterumque commendamus. Nos a prudentia Vestra expectamus, fore, ut Vos Consilium hocce Nostrium, ex sincera optimaque intentione procedens, eo quoque animi candore accipiatis, quali Nos propter propriam Vestram utilitatem, illud amice Vobis damus. De caetero Vos rogantes, ut tam in insigni hoc negotio, quam in omnibus, quae supra memoratus Orator Noster Extraordinarius & Plenipotentarius, Nostro Nomine, Vobis proponet, plenissimam fidem ei adhibeatis. Quod superest, Celsissimo Primati, Dominisque Senatoribus, & Status Ministris, omnia prospera, perpetuosque Consiliorum suorum, eorumque maxime, quae in Electione novi Regis, a cuius sapientia, propria Vestra posteritatisque Vestrae gloria pendet, versantur, successus optamus, atque Tutelae Divinae Vos commendamus. Datum Petropoli, die XXXI Iulii, Anno Salutis 1764, & Regni Nostri tertio.

CATHARINA.

*Princeps Alexander Galitzin.*

Altera

Altera epistola, a Comitiorum Secretario lecta. Contexta iis verbis:

**D**ivina favente Clementia, Nos CATHARINA *Secunda*, Imperatrix & Autocratrix totius Russiae, Moscoviae, Kioviae, Vlodimiriae, Novogardiae, Czarina Casani, Czarina Astrachani, Czarina Sibiriae, Domina Plefcoviae, & Magna Dux Smolensci, Dux Esthoniae, Livoniae & Careliae; Tueriae, Iugoriae, Permiae, Wiatke, Bulgariae, & aliorum Domina; Magna Dux Novogardiae inferioris Terrae, Tzernigoviae, Resaniae, Rostoviae, Iaroslaviae, Beloseriae, Vdoriae, Obdoriae, Condiniae, totiusque Septentrionalis Plagae Dominatrix, & Domina Iveriensis Terrae; Cartalinenfium & Grufinenfium Czarorum, Cabardinensis Terrae, Czercasinenfium ac Montanorum Ducum, aliarumque multarum Terrarum, Haereditaria Domina, & Dominatrix, Illustribus, Magnificis, Generosis Dominis, Mareschalco, totique Ordini Equestri Serenissimae Reipublicae Poloniae, & Magni Ducatus Lituaniae, Salutem amicam & vicinam. Amicitia mutuaeque utilitas, quae a multis iam annis, Imperium omnium Russiarum, cum Serenissima Vestra Republica coniungit, iam praecipue Nos movet, ut benevolentiam Nostram, Vobis omnibus testificemur; cum de negotio maximi momenti, de Electione videlicet Novi Regis apud Vosagi coeperit, a quo tum salus Patriae Vestrae, tum uniuscuiusque Verum incolumitas, maxima ex parte pendet. Hanc igitur ob causam necessarium esse iudicavimus, non solum quantum tantae rei partem sumamus, hisce litteris certiores Vos reddere, sed etiam Extraordinarium & Plenipotentiarium Nostrum Oratorem, Consiliarium actualem Intinum, Ordinumque Sancti *Andree*, Sancti *Alexandri* Nevacensis, & Aquilae Albae Equitem, Dilectum, Fidelem, & Generosum *Hermannum Carolum* Comitem *Keyserling*, cuius ardor laudabilis, in agenda inter Nos concordia, Vobismet ipsis, multorum annorum experientia, iam abunde cognitus est, specialibus ad totum Illustrem Ordinem Equestrem litteris fidei, mandatisque, eodem ipsi relicto caractere, eoque sine instituere, ut toti Reipublicae, tum prae-



sertim Ordini Equestri, in quo decus atque robur Eius maximum situm est, perennis amicitiae ac propensionis Nostrae, erga Illum, assecurationes repetat, simulque Nomine Nostro Vos roget, ut omnem curam cogitationemque Vestram, in veram Patriae utilitatem conferatis, omneque vitae Vestrae aevum gloriosum reddatis, unanimi concordique, ab omni parte, Electione talis, ex Piastrorum numero Regis, qui cum caeteris Principi decoris animidotibus, tam necessaria Legum atque Constitutionum Patriae scientia, zelo cognito pro libertatibus ac praerogativis Concivium suorum, infraeta animi firmitate in promovenda communi utilitate, aetate longum Regnum praenunciante, ac moribus denique a superbia & inquietudine longissime remotis, qui Reipublicae Vicinis sollicitudinem nullam creare possint, sit praeditus. Quae merita omnia & singula, in Persona Perillustri **STANISLAI PONIATOWSKI**, Dapiferi Magni Ducatus Lituaniae, unica occurrunt. Hinc Eum, tanquam ad Thronum dignum, habilem, & utrique Genti utilem, iterum iterumque commendamus. Nosque a prudentia Vestra expectamus, fore, ut Vos Consilium hocce Nostrum, ex sincera optimaque intentione procedens, eo animi candore accipiatis, quo Nos propter propriam Vestram utilitatem, istud amice Vobis damus. De caetero Vos rogantes, ut tam in insigni hoc negotio, quam in omnibus, quae supra memoratus Orator Noster Extraordinarius & Plenipotentarius, Nomine Nostro, Vobis proponet, plenissimam fidem ei adhibeatis. Quod superest; toti Illustri Ordini Equestri, perpetuam felicitatem, & immutabilem pretiosissimarum Eius libertatum atque praerogativarum, ad quarum defensionem omni occasione parati erimus, conservationem optamus, Ipsumque Tutelae Divinae commendamus. Datum Petropoli, die XXX Iulii, Anno Salutis 1764, & Regni Nostri tertio.

**CATHARINA.**

*Princeps Alexander Galitzin.*

Legati



Legati quoque oratio, a Secretario Comitiorum, eum in modum pronunciata:

CELSISSIME ET REVERENDISSIME PRIMAS, PRIMEQVE PRINCEPS;

CELSISSIMI, REVERENDISSIMI, ILLVSTRISSIMI, ET EXCELLENTISSIMI,  
DOMINI SENATORES;

ILLVSTRISSIME ET EXCELLENTISSIME  
ORDINIS EQVESTRIS MARESCHALCE,  
NEC NON ILLVSTRISSIMI ET EXCELLENTISSIMI TERRARVM NVNTII, ATQVE  
VNIVERSE INCLYTE ORDO EQVESTRIS  
REGNI POLONIAE, MAGNIQVE DVCATVS  
LITVANIAE.

DOMINI COLENDISSIMI.

**M**ors Regum plerumque mare malorum. Eminent inter haec, fata Interregnorum, quae nonnisi in memoriam quassatae Reipublicae relinquunt. Quot Interregna, tot calamitates publicae. Latet neminem res haec. Possibile enim non est, ut *Serenissimam Rempublicam* ea, quae saepius experta est, non sensitisse putemus. Monumenta veteris aequae ac nostri aevi de his sat uberrime memorant.

Si ea, quae vacante Throno, Inclutissimam Gentem Polonam tantis malis oneraverunt, cum consilio & cura perspicere placet, causa non est, cur ea ex invidia & aemulatione Civium sola, quae nonnunquam contingere solent, tantummodo eruamus, quin potius fateamur, scaturiginem & fontem harum calamitatum publicarum, ab ambitu Principum exterorum, qui nimio desiderio Regii Diadematis Poloni tenebantur, profluxisse. Vnde constat tantos motus intestinos, tantam foedam bellorum Civilium lucem, tantasque desolationes Patriae exarsisse, & plures Palatinatus terrasque, con-



continuata Populi electoris discordia, ad iucitas fere redactas esse.

Quodsi igitur & prudentiae, & consilii est, ex praeteritorum eventibus, praesentium providere rationibus, non potuistis, *Viri Sapientissimi*, salubriori uti consilio, quam iis obicem ponere, quae Civium animos maxime dividunt, & ad partes alliciunt. Cura Vestrae sagacitatis, cui nil facile excidit, factum est, *Celsissimi, Illustrissimi, Reverendissimi*, ac *Magnifici Domini*, ut lege publica cautum sit, ne aditus ad honores Regios Extraneo iam iam pateat. Id dum egistis, de re & utilitate publica egistis. Etenim, facta diminutione de extraneis Coronae Competitoribus, fieri non potest, quin etiam multitudo eorum diminuta sit, qui, tempore Electionis Regum, omnia turbant miscuntque.

Expetit animus consilia tuta, quae *Serenissimam Rempublicam*, in constituendo Rege Piasio, ante omnia ante oculos habuisse, ubique patescit. Quid enim tutius esse potest, quam eum in fastigio Reipublicae collocare, qui ab ipsa Gente originem & Sanguinem trahit, et sic innato erga Patriam amore tenetur?

Ars regnandi Poloniae non nisi in Polonia discitur. Quis vero ei adipiscendae magis idoneus, quam qui libertatibus, iuribus, Legibusque Patriae, ab incunte actate, se se imbuat, iisque cedere didicit? Quemadinodum Lex sine Rege, sic Rex sine Lege, quae ipsum fugit, esse nequit. Utrumque utile, utrumque necessarium.

Crevit res Polonorum per gloriosa & illustra facta Nobilium. Eorum igitur merita uti incremento Reipublicae, sic dignitatibus publicis, quas iam veneramur, prima initia dedisse nulli subest dubio. Ex Eorum lumbis prodierunt Ministri Belli & Pacis, Senatores, imo & Reges. Non fecit eos atrium plenum fumosis imaginibus.

Nemo in nostram gloriam vixit, & quod ante nos fuit, nostrum non est. Animus facit Nobilem, Ministros, Magnates & Regem, cui ex quacunque ratione, supra naturam surgere licet.

Qui

Qui in aequalitate vivunt, aequali iure & libertate, ut fruantur, necesse est. Alias, qui inter se sunt aequales, non essent aequales. Quam ob causam non mirum, *Serenissimam Rempublicam* iam iam in eo esse, ut liberis suffragiis e medio Civium suorum novus eligatur Rex. Vetustas eiusmodi perhibet exempla. Nihil igitur novi, nihil insoliti.

Et quis impudens, sine opprobrio totius inclytæ Gentis Polonæ, affirmabit, non dari ingenia domestica, artis regnandi capacia? Et quis rerum patriarum adeo ignarus, ut istorum Virorum Magnorum & Præclarorum, quos Polonia genuit, memoriam non teneat, quorum nomina & gesta, & domi, & apud Exteros, adhuc plurimum vigent? Neq̃ nostræ ætati eiusmodi desunt Viri, in quibus præclaræ ingenii doctes, & sic spes Rempublicam bene gerendi, elucet.

Placuit SVAE IMPERATORIAE MAIESTATI Totius Russiæ, quæ in eligendo Rege Poloniarum, non nisi Reipublicæ & Vicinorum rem salvam esse cupit, inter plures præstantissimos Viros, quibus Polonia abundat, Perillustrem STANISLAVM PONIATOWSKI, Dapiferum Magni Ducatus Lituaniæ, ut Candidatum vacantis Sedis Regiæ proponere, & Eum *Serenissimæ Reipublicæ* iterum iterumque de meliore nota commendare.

Quodvis ingenium magnum præbet multa vestigia sui. Non potuit igitur non innotescere eius excellentia animi, rectitudo, & amor Patriæ suæ, per idem tempus, quo munus Legati, defuncti Regis gl. mem. Petropoli agebat.

De Patre Polono Heroe, & de Matre Iagelloniæ Gentis, natus. Gloria Parentum adhuc claret, & in filio reviviscit, quem optimæ solertissimæque educationis exemplar esse, nemo inficiabitur.

De eius Religione & Pietate licebit, ex Parentum Religione & Pietate, quæ eruditum habemus, iudicare. Iustum & æquum se omnibus, & in omnibus negotiis præstitit: quippe Eum neminem læsisse, & suum



suum cuique tribuisse, in confesso est. Erit igitur aliquando Rex pius, iustus & aequus.

Si desideratur, ut Rex sit laborum tolerans, composito cultoque animo, accessu facili, cum ad seria ventum, omnibus par negotiis, ingenio, iudicio, & opere, & linguam populi callens, ne infido indigeat interprete, Eum his donis naturae, virtutibusque Regiis, nemini secundum fore, spero.

Opus Inclytissimae Genti Poloniae Magnique Ducatus Litvaniae Rege, non tam qui multum asserat, quam qui nihil auferat deterioretque: qui nullis colligationibus, foederibus, & negotiis Exterorum distentus: qui pacem colat, commercia instauret, & disciplinam: nemini obnoxius, nisi Legibus: qui iustus distributor beneficiorum, panisque bene meritum: nec opertis oculis donet: qui Totus Reipublicae, & in quem nulla suspicio Vicinorum cadat.

Quae taleuta cum in persona Perillustis STANISLAI PONIATOWSKI, Dapiferi Magni Ducatus Litvaniae, presse unita cernimus; satis causae est, quod IMPERATORIA MAIESTAS Totius Russiae, pro Eo amice & instanter intercedat. Consulit *Domina Mea Clementissima*, quod utilitati *Serenissimae Reipublicae* aeque, ac colendae Vicinitati optime convenit.

Spes non vana, sed firmissima, quae SVA IMPERATORIA MAIESTAS Totius Russiae, *Domina Mea Clementissima* nititur, Celsissimum Primatem, Illustrissimos Proceres Regni aeque, ac Inclytissimum Ordinem Equestrem Poloniae, Magnique Ducatus Litvaniae, STANISLAVM PONIATOWSKI, maxime sibi commendatum habituros, ad Regium Solum promoturos, & liberrimis suffragiis in Regem electuros esse. Facile quippe intelligitur, hanc commendationem utilitati, & usui esse Reipublicae.

Certare officiis, e re communi Vicinorum est. Devinciunt sibi invicem animos. Remedium certum, quo vicina amicitia magis magisque coalescat.

Magna-

Magnanimitas, & mens generosa IMPERATRICES Totius Russiae *Dominæ Meae Clementissimæ*, sat superque Orbi innotuit. Moris ei est, recepta officia cumulate persolvere. Plura de his differere possem. At, quid opus est verbis, ubi testimonia rerum adsunt?

Declarationum, quæ ex parte SVAE IMPERATORIAE MAIESTATIS Totius Russiae, in tuendis iuribus, immunitatibus, & possessionibus Poloniae, Magnique Ducatus Lituaniae, hucusque in publicum proierunt, certa fides. Nihilo tamen minus novo erit incitamento, *Dominæ Meae Clementissimæ*, si Rex eligitur, quem *Ipsa*, pro communi utriusque Gentis bono, proponit & amice commendat.

Faxit DEVS T. O. M. ut imminens Regis Electio sit felix, fausta, prospera & unanims!

Beneficium digno ubi des, omnes obliges.

PUBLIVS SIRIVS.

A Principe Primate nil est responsum. Nunciorum autem Mareschalcum, adstante adhuc Russicae Legationis Secretario, huiuscemodi verba locutum, accepimus:

**I**nter prospera rerum momenta, quæ a Diis immortalibus erogari queunt, illam potissimam felicitatem esse duxerim, in qua sacrum Numen amicitiae, & per reciproca humanitatis officia, & per foederata ad tuendam & ampliandam tranquillitatem auxilia, incussa inter *Vicinas Gentes* benevolentia & religione colitur. Illustre huius felicitatis Nostræ argumentum, præbet Nobis, *Serenissima* semperque *Augusta Imperatrix Russiae*, cuius ingenua pietas, summa prudentia, heroica magnanimitas, qua nulla pars mundi vacat, tum & aliae innumeræ virtutes, atque super-



supereminentia animae & sexus dona, ideo simul censentur esse cumulata, ut pacando Orbi Terrarum, ut felicitati saeculorum, ut decori & gloriae gentium, cu quoddam tutelare Numen, praesidii loco, datum a Superis videatur. Cum itaque, in hoc inelyto confessu *Reipublicae*, ex Dictis Illustrissimi Comitissae *Keyserling*, Oratoris Extraordinarii ac Plenipotentiaris *Sacrae Imperialis Maiestatis*, Viri omni laudum genere praestantissimi intelligamus, maximam voluptatem animi *Serenissimae Imperatricis* fore, si pro Legibus & institutis Nostreis, pro gloria & summa *Reipublicae Nostrae* utilitate, consensu suffragiis, commendatum a Se Nobis eligamus Regem, ac perinde, ex faustissimo tot ac tantarum in Praeclarissimum Candidatum, omnium virtutum & qualitatum concursu, perquam optime prosperitati & integritati Nostrae consulamus. Proinde nihil Nobis magis optandum atque orandum superest, quam ut ille *Supremus* rerum humanarum *Arbiter*, per quem Reges regnant, intima & flagrantia vota Nostra, benigna aure excipere non dedignetur. Cernis profecto perspicacissima prudentia Tua, Magnae Orator, illum pro Salute publica utriusque Status ardorem animorum. Vides Celsissimum Principem, Primatem Regni Nostri, velut in numerofo & operis sollicito apum examine, consilio & suavitate gubernandi praecellentem; Lestissimumque Senatuum Nostrium, Herculeis lacertis huic Atlanti succurrentem. Facile inde existimare velis, Ordinem Equestrem, cuius nomine ego verba facio, atque universam Gentem Nostram, pro tam auspicata dignissimi Candidati commendatione, pro tam salutari consilio, & publicae tranquillitatis Nostrae manutentione, infinitas ac ineffabiles gratiarum reddere actiones. Ergo, pro diutissima ac prope immortali *Serenissimae Imperatricis Russiae* incolumitate, pro felicissimo, ac omni ex parte beato *Eius* Regimine, solemnina mihi concedas rite ac religiose nuncupare vota.

## CVI.

Regis Borussiae magnus Legatus, Princeps *Carolus Schoenaich*, morbo retentus ischiaco, Secretarium Legationis, in Ordinum consessum misit. Perlatis, ab eo, Regis ad Senatum, & ad Nobilitatem, litteris, adiuncta etiam fuit oratio, quam magnus ille Legatus, dicendam Ordinibus coram, sibi paraverat. Lectae sunt litterae summa omnium attentione. Rex Senatoribus sic scripsit:

CELSISSIMO ET REVERENDISSIMO PRINCIPI, VLADISLAO LVBIENSKI, ARCHIEPISCOPO GNESNENSI, REGNI POLONIAE, MAGNIQUE DUCATUS LITVANIAE PRIMATI, NEC NON REVERENDISSIMIS ET ILLUSTRISSIMIS, MAGNIFICIS ET GENEROSIS, SENATORIBUS, DIGNITARIIS ET OFFICIALIBUS, SERENISSIMAE REIPUBLICAE POLONAE, AMICIS NOSTRIS  
SINCERE DILECTIS.

**F**RIDERICVS, DEI GRATIA, Rex Borussiae, Marggravius Brandenburgensis, Sacri Romani Imperii Archi-Camerarius & Princeps Elector, Supremus Silesiae Dux, Princeps Supremus Arausionensis; Novi Castris & Valengiae, nec non Comitatus Glacensis, Geldriae, Magdeburgi, Cliviae, Iuliaci, Montium, Stetini, Pomeraniae, Cassubiorum, Vandalorum & Megapolis, nec non Crofnac Dux; Burggravius Norimbergensis, Princeps Halberstadii, Mindae, Camini, Vandalii, Sverini, Raceburgi, Ost-Frisiae & Mursii, Comes Hohenzollerae, Ruppini, Marcae, Ravensbergi,  
*Exc. Pol. Litt. Vol. II.* N Hohen.



Hohensteini, Tecklenburgi, Sverini, Lingae, Burae & Leerdami, Dominus Ravensteinii, Rostochii, Stargardae, Lauenburgi, Butoviae, Arlayae & Bredae &c. &c. Celsissimo & Reverendissimo Principi, VLADISLAO LVBIEWSKI, Archi-Episcopo Gnesnensi, Regni Poloniae, Magnique Ducatus Lituaniae Primati, nec non Reverendissimis & Illustrissimis, Magnificis & Generosis, Senatoribus, Dignitariis & Officialibus, Serenissimae Reipublicae Polonae, Salutem Nostram Amicam. In primis Regni Nostri studiis semper fuit, ut amicitiam, quae Nobis cum Republica Vestra intercedit, excoleremus & conservaremus arctissimam. Sollicitudo haec Nostra non parum augetur hoc tempore, quo Respublica Vestra, Rege orbata, Successori eligendo intenta est. Vota facimus quam ardentissima, ut bonus Vobis contingat Princeps, omnemque quae in Nobis est, cum Amicis & Confoederatis Nostris, novabimus operam, ut Electio haec aeque pacata & felix, Personae Illustrissimi Comitis PONIATOWSKI, Magni Ducatus Lituaniae Stolnik eveniat, & ut omnia, quae securitatem & tranquillitatem Patriae Vestrae turbare possent, amoveantur & e medio tollantur. Ut haec Nostro Nomine curet, & sinceram amicamque animi Nostri intentionem Vobis exponat, ablegavimus ad Rempublicam Vestram, in Comitibus Electionis congregatam, Oratorem Nostrum Extraordinarium, Illustrissimum, Fidelem, & sincere Nobis Dilectum *Carolus* Principem de *Schoenaich*, Ordinis Nostri Aquilae Nigrae Equitem. Et hinc rogamus Celsitudinem Vestram, nec non Reverendissimos & Illustrissimos Senatores, & omnes Reipublicae Ordines, velint huic Oratori Nostro Extraordinario, plenam in omnibus habere fidem. Quod superest, Celsitudini Vestrae, & Universae Reipublicae, fausta quaevis ex animo aprecamur. Dabantur Berolini, Die 20 Augusti 1764.

Vestrae Celsitudinis Serenissimaeque  
Reipublicae

Benevolus Amicus

FRIDERICVS REX.

*Finckenstein E. F. de Hertzberg.*

Eius.



Eiusdem modi litteras, ad Nobilitatem dedit. Videlicet:

ILLVSTRIBVS, MAGNIFICIS, ET GENEROSIS NVNCIIS, ET TOTI ORDINI EQVESTRI, REGNI POLONIAE, ET MAGNI DVCATVS LITVANIAE.

**F**RIDERICVS, DEI GRATIA, Rex Borussiae, Marggravius Brandenburgensis, Sacri Romani Imperii Archi-Camerarius & Princeps Elector, Supremus Silesiae Dux, Princeps Supremus Arausio-nensis; Novi Castri & Valengiae, nec non Comitatus Glacensis, Geldriae, Magdeburgi, Cliviae, Iuliaci, Montium, Stetini, Pomeraniae, Cassubiorum, Vandalorum & Megapolis, nec non Crosnae Dux; Burg-gravius Norimbergensis, Princeps Halberstadii, Min-dae, Camini, Vandalii, Sverini, Raceburgi, Ost-Fri-siae & Mursii, Comes Hohenzollerae, Ruppini, Marcae, Bavensbergi, Hohensteinii, Tecklenburgi, Sverini, Lingae, Burae & Leerdami, Dominus Ravensteinii, Rostochii, Stargardae, Lauenburgi, Butoviae, Arlayae & Bredae &c. &c.

Illustribus, Magnificis, & Generosis Nunciis, & toti Ordini Equestri, Regni Poloniae, & Magni Ducatus Lituaniae, Salutem Nostram Amicam & Benevolam. In primis Regni Nostri studiis semper fuit, ut amicitiam, quae Nobis cum Republica Vestra intercedit, excoleremus & conservaremus arctissimam. Sollicitudo haec Nostra non parum augetur hoc tempore, quo Respublica Vestra, Rege orbata, Successori eligendo intenta est. Vota facimus quam ardentissima, ut bonus Vobis contingat Princeps, omnemque quae in Nobis est, cum Amicis & Confoederatis Nostris, navabimus operam, ut Electio haec aequae pacata & felix, Personae Illustrissimi Comitae PONIATOWSKI, Magni Ducatus Lituaniae Stolnik eveniat, et ut omnia, quae securitatem & tranquillitatem Patriae Vestrae turbare possent, amoveantur & e medio tollantur. Ut

N 2

haec



haec Nostro Nomine curet, & sinceram amicamque animi nostri intentionem Vobis exponat, ablegavimus ad Rempublicam Vestram, in Comitii Electionis congregatam, Oratorem Nostrium Extraordinarium, Illustrissimum, Fidelem, & sincere Nobis Dilectum *Carolus* Principem de *Schoenaich*, Ordinis Nostri Aquilae Nigrae Equitem. Et hinc rogamus Illustres, Magnificos, & Generosos Nuncios, & totum Ordinem Equestrem Reipublicae Polonae, velint huic Oratori Nostro Extraordinario, plenam in omnibus habere fidem. Quod superest, Vobis, & Univer-sae Reipublicae, fausta quaevis ex animo apprecamur. Dabantur Berolini, Die 20 Augusti. 1764.

Benevolus Vester Amicus

FRIDERICVS REX.

*Finckenstein.*

Recitata est Legati oratio, his totidem ferme verbis:

CELSISSIME ET REVERENDISSIME PRIMAS, PRIMEQVE PRINCEPS;

CELSISSIMI, REVERENDISSIMI, ILLVSTRISSIMI, ET EXCELLENTISSIMI,  
DOMINI SENATORES;

ILLVSTRISSIME ET EXCELLENTISSIME ORDINIS EQVESTRIS MARESCHALCE, NEC NON ILLVSTRISSIMI ET EXCELLENTISSIMI TERRARVM NVNTI, ATQVE VNIVERSE INCLYTE ORDO EQVESTRIS REGNI POLONIAE, MAGNIQVE DVCATVS LITVANIAE.

DOMINI COLENDISSIMI.

Nihil omnino *Serenissimae Reipublicae Polonae* accidere potest, in cuius partes non eat sincere Potentissimus *BORVSSIAE REX*, Dominus meus Clementissimus.

Præfens

Praefens imprimis Interregnum, tale temporis momentum est, quod amicas excitat provocatque curas Regis vicini & amici. Ne ulla in re *Maestas Sua* officiis, quae duo hi tituli *Eidem* imponunt, me Oratorem suum Extraordinarium, ad *Rempublicam Vestram*, tam in Convocationis, quam in praesentibus *Electionis* Comitibus congregatam, ablegavit, & Litteris Credentialibus munivit, quas praesentes, *Celsissimae PRIMAS*, Tibi exhibeo.

Iure meritoque laetor, quod opportuna haec mihi data sit occasio, in hoc *Illustri* consessu congregatae totius *Reipublicae*, praecipuis meis fungendi mandatis, & veram sinceramque mentem, *Sacrae Regiae Maestatis BORUSSICAE*, erga *Serenissimam Rempublicam Polonam*, publice hic declarandi.

Foedera aeterna, amicitia tot saeculorum, vicinitas tot Regionum, rationes plane eadem, haec sunt vincula illa sacra, quae *Regiam Domum BORUSSO-BRANDENBURGICAM*, cum *Serenissima Poloniae Republica* coniungunt, & in aeternum coniungere debent.

Recte & perpetuo horum memor, *Serenissimus REX* meus, in primo semper loco posuit, ponitque amicitiam *Regni Poloniae*, & inter primas Regni sui sollicitudines, collocat salutem, incolumitatem, felicitatemque *Regni Vestri*.

Sincere hinc doluit *Maestas Sua* mortem Regis, virtutibus bene multis conspicui, quem haud ita pridem perdidit *Respublica Vestra*.

Ardentissima iam nunc facit vota, ut dignus Succesor, & bonus Vobis Princeps contingat.

Optat cum veris *Reipublicae Vestrae* amicis, ut *REX* a *Vobis* eligatur, paterno & materno sanguine, ex *Gente Vestra* oriundus, quem natalium splendor, aetas laboris capax, vitae & morum integritas, prudentia in consiliis, dexteritas, in rebus gerendis, amor



patriae, libertatis, & pacis, & reliquarum virtutes, quae bonum Regem constituunt, commendant.

Commoda acque ac decora *Gentis Vestrae* exigere videntur, ut tandem aliquando ad veterem redeatur morem eligendi Regem, qui nonnisi *Poloniam* pro *Patria* habeat, qui *Vestris* rationibus non immisceat alienas, & qui gloriam *Iagellonidum* & *Sobieciarum* resuscitet.

Non desunt *Vobis Piasii*, & digni immortalis hoc nomine Successores.

Eminet inter eos, Perillustis STANISLAUS PONIATOWSKI Dapifer Magni Ducatus Litvaniae, in quo omnes, supra enumeratae virtutes coalescere videntur.

Hunc *Regia Sua Maestas, Vobis*, prae caeteris commendat; persuasum habens, quod non facile meliorem eligere poteritis Regem; & promittens sibi simul, quod consilium hoc non in malam partem, sed ut ab amica & sincera, erga *Vos*, mente profectum, accipietis.

Sperat REX, a prudentia, & ab amore *Vestro Patriae* & libertatis, quae tantam *Genti Vestrae* conciliaverunt famam, quod hac in occasione *Vobis* non deeritis, & quod in praesenti *Electiois* negotio, salus *Patriae*, & bonum publicum plus valebunt, quam acmulatio, privatae irae, & intestinae dissensiones.

Haec sunt, quae iussu *Sacrae Regiae Maestatis BORVSSICAE, Vobis, Patres Poloniae Conscripti*, exponere debui.

Gratulatur mihi, & inter felicissimos vitae meae, hodiernum numerabo diem, quod mihi contigit, Interpretem & Ministrum esse talium Regionum Mandatorum, quae nonnisi grata *Vobis* esse possunt, & me, meaque *Vobis* commendo.

Solus

Solus respondit Nunciorum Marefchalcus, Secretario Borufficae Legationis praefente atque audiente:

**S**i magnorum Heroum praeclare facta, & fapienter dicta, etiam a posteris, infita animis hominum probitate, coluntur; multo magis praefentia *Sereniffimi Regis Boruffiae*, in Rempublicam Nofttram, foederatae amicitiae argumenta, fumma omnium mentes perfundunt voluptate. Enimvero magni pretii momentique ducimus, propenfo erga Nos gloriari pectore tanti Regis, cuius fato, prudentia maior; cuius magnitudinis, & imperio, illa Euro mobilior infidique Dea ingiter obfecuta; cuius Magnum Nomen perennis gloria immortalitati dicavit. Et quamvis oratio mea, nec laudibus tam inclyti Herois, nec Noftreis, erga *Sereniffimam* illius *Maieftatem*, explanandis officiis, nec Procerum Noftrorum, & Equeftreis Ordinis enarrandis in Patriam conatibus, probe fufficiat; tamen id, quod mihi defuerit, Tua, Illuftris Orator, fumma qua polles, in perferutandis animis mortalium, prudentia abunde rependet. Intimius enim dictis meis perfpicis, quanta obfervantia Respublica Noftra, erga *Sereniffimum Regem Boruffiae* teneatur; quantas pro tam falutari, Praeclariffimi genere, & cunctis virtutibus, ut nulla defideranda fuperfit, Cumulatiffimi Candidati commendatione, effundat gratiarum actiones. Vides etiam Celfiffimum Principem, Primatem Regni Noftri, illum divinum Atlantem, tanto faeculorum ponderi intentum, magnoque fpiritu & humeris parem. Vides Leftiffimum Senatum, illum fortiffimum Herculeum, aut potius iuxta Mythologos, Prudentiam & Conftantiam, Atlanteae Magnanimitati fuccurrentem. Vides denique Equeftrem Ordinem praefantiffimum, eidem fulciendo gloriofo operi enixe incumbentem. Vade tam ex peculiari *Sereniffimi Regis Boruffiae*, in Rempublicam Nofttram, benevolentia, quam etiam ex follicitis univerfae Gentis Noftrae ardoribus, haud obfcure colligere poteris, incolumem beatamque fore No-



fram Rempubicam, summamque felicitatis Nostrae, brevi Nos adepturos. Cumque haec eadem optatissima prosperitas nil non commune in se habeat, inque Vicinitatem aequae & Nostram Rempubicam redemptae, nihil Nobis superest, quam summis a Deo Ter Optimo & Maximo precari suspiriis, ut quantoque largissima Nobis conferenda, perpetua muncra faxit.

## CVII.

Curoniae Ducis Legatus, *Otto Ernestus Medem*, hexaphoro suo vectus, ante Supremi Lituaniae Mareschalci tentorium descendit. Inque illud se contulit. Unde missi tres a Nobilitate Nuncii, in Senatorium aedificium, eum deduxere. Ante coronam Senatoriam, Mareschalcum Equestris Ordinis obvium habuit. Introeuntem ipsum Supremus Lituaniae Mareschalcus, absque baculo, dignitatis suae indice, excepit. Sedente Senatu reverentissime salutato, singulari veneratione, ad Principem, Regni Primatem, accessit. Cui Ducis sui, ad Senatores, litteras exhibuit. Alteras, ad Nobilitatis Nuncios, ipsorum Mareschalco tulit. Cui latere sinistro, in humiliore sella, affidere iussus. Dux iis, quae sequuntur, litteris Senatum coluit:

CELSISSIMO AC REVERENDISSIMO  
PRIMATI, PRIMO REGNI POLONIAE,  
ET MAGNI DUCATVS LITVANIAE  
PRINCIPI.

CELSISSIMIS, REVERENDISSIMIS, ILLV-  
STRISSIMIS ATQVE EXCELLENTISSIMIS  
DOMINIS, DOMINIS SENATORIBVS ET  
MINISTRIS STATUS, REGNI POLONIAE,  
ET MAGNI DUCATVS LITVANIAE.

DOMINIS AC AMICIS PLVRIMVM  
HONORANDIS.

*Celsissime ac Reverendissime Primas, Prime Regni  
Poloniae & Magni Ducatus Litvaniae Princeps.*

*Celsissimi, Reverendissimi, Illustrissimi atque Excellen-  
tissimi Domini, Domini Senatores, & Ministri  
Status, Regni Poloniae, & Magni Ducatus  
Litvaniae.*

*Domini ac Amici plurimum Honorandi.*

**Q**uos iam ad Convocationis delegaveram Comi-  
tia, Generosum Ottonem Ernestum de Me-  
dem, Camerarium ac Equitem Ordinis Sanctae An-  
nae, atque Praenobilem, ac praeclare doctum Chri-  
stophorum Antonium Tottien, Consiliarium meum  
Aulicum, Legatos meos ad praesentia Electionis,  
& futura Coronationis Comitia, ut de novo in-  
struere, ita etiam de novo Benevolentiae Celsitudi-  
nis Vestrae, & Reverendissimarum atque Illustrissi-  
marum Excellentiarum Vestrarum, commendare ne-  
cessa-



cessarium duxi. Omni itaque, qua par est, observantia rogo *Celsitudinem Vestram*, & *Reverendissimas* atque *Illustrissimas Excellentias Vestras*, velint Illos, & negotia Illis commissa, *Sibi* commendatissima habere, plenam Illis fidem tribuere, & omnibus, quae meo nomine pertractabunt, benevolas praebere aures. Fiducia in amicitiam aequae ac benevolentiae *Celsitudinis Vestrae*, & *Reverendissimarum* atque *Illustrissimarum Excellentiarum Vestrarum*, a me posita, nullum mihi relinquit dubium, quin *Eaedem* precibus istis meis annuere sint dignaturae. Obligatissimum me exinde fore contestor, & omni, quo par est, honoris cultu ad extremum usque vitae halitum permaneo

*Reverendissimae Celsitudinis Vestrae,*  
*Reverendissimarum atque Illustrissimarum*  
*Celsitudinum ac Excellentiarum*  
*Vestrarum*

*Mitaviae*  
 Die XX. Augusti  
 Anno MDCCLXIV.

Addictissimus ac ad omnia Officia  
 paratissimus Servitor.

ERNESTVS IOANNES.  
 Dux Curlandiae,

Nobilitati observantiam testatus est hisce  
 verbis:

ILLVSTRIS-



ILLVSTRISSIMO ATQVE EXCELLENTIS-  
SIMO DOMINO, DOMINO MARESCHALCO,  
NEC NON ILLVSTRISSIMIS DOMINIS,  
DOMINIS NVNCHS, AD PRAESENTIA  
ELECTIONIS COMITIA CONGREGATIS.  
DOMINIS AC AMICIS OBSERVANDISSIMIS.

*Illustrissime atque Excellentissime Domine, Domine  
Mareschalce, nec non Illustrissimi atque Excellen-  
tissimi Domini, Domini Nuncii, ad praesentia  
Electionis Comitua Congregati.*

*Domini ac Anici Observandissimi.*

Cum ad praesentia Electionis, ac futura Coronatio-  
nis Comitua, felicissime celebranda, Legatos meos,  
Generosum Ottonem Ernestum de Medem, Camerari-  
um ac Equitem Sanctae Annae Ordinis, & Praenobilem  
atque Praeclare doctum Christophorum Antonium Tot-  
tien, Consiliarium meum Aulicum, quos iam ad Con-  
vocationis Comitua delegaveram, novissime instruere  
necessarium duxerim, *Illustrissimas Excellentias Ve-  
stras* hisce officiosissime rogatas volo, ut praedictis Le-  
gatis meis plenariam fidem habere, & benevolae prae-  
bere aures dignentur. Hocce, ab *Illustrissimis Excel-  
lentiis Vestris*, in me, meaque Domum Ducalem,  
collatum amicitiae atque benevolentiae documentum,  
officiis studiisque meis promptissimis paratissimisque de-  
mereri nunquam deero, & cum sincerrimo omnimo-  
dae prosperitatis voto aeque, ac perfectissima conside-  
ratione permaneo.

*Illustrissimarum Excellentiarum Vestrarum*

*Mitaviae,*

Die XX. Augusti  
Anno MDCCLXIV.

Addictissimus & ad Officia  
paratissimus Amicus.

ERNESTVS IOANNES  
Dux Curlandiae.

Post



Post lectas eas litteras, Ducis Legatus, facta ipsi, a Supremo Lituaniae Mareschalco, dicendi potestate, ita exorsus est:

CELSISSIME ET REVERENDISSIME PRIMAS, PRIMEQVE PRINCEPS REGNI POLONIAE, MAGNIQVE DVCATVS LITVANIAE.

CELSISSIMI, REVERENDISSIMI, ILLVSTRISSIMI, EXCELLENTISSIMI DOMINI SENATORES, ET MINISTRI STATVS.

ILLVSTRISSIME ET EXCELLENTISSIME ORDINIS EQVESTRIS MARESCHALCE, NEC NON ILLVSTRISSIMI ET EXCELLENTISSIMI PALATINATVVM, TERRARVM, ET DISTRICTVVM NVNCII, ATQVE VNIVERSE INCLYTE ORDO EQVESTRIS REGNI POLONIAE MAGNIQVE DVCATVS LITVANIAE.

DOMINI COLENDISSIMI.

**O**mnibus a natura insitum est incitamentum, quo quisque sui ipsius feliciorum reddere cupit statum. Media felicitatem quaerendi prout diversa, sic illa eminentiora sunt ac praestantissima, quibus communis plurimum salus stabilitur. Quid igitur mirum, his, qui eo collaborant, prae reliquis palmam relictam esse, iam & oratorum Principem edixisse, quod homines ad Deos nulla re propius accedant, quam salutem Hominibus dando. Post tristem illam, quam *Serenissima Respublica* experta est sortem, congregati estis, *Celsissimi, Illustrissimi, Reverendissimi*, ac *Magnifici Domini*, Saluti totius inclytae *Poloniae Gentis* prospicere, ac gloriae eiusdem ab antiquissimis

tem-

temporibus radicatae Tutorem constituere. Omnium in eximia sapientia Vestra collocata est spes, omnes ab illa communem expetunt felicitatem, & expectant. Et quidni optima quacque ac saluberrima sperare liceret? Iam gloriae aequae ac commodo *Serenissimae Reipublicae*, consultatissimo Consilio, *Celsissimi, Illustriissimi, Reverendissimi*, ac *Magnifici Domini*, medium inter *Vos* constituitis illum, qui generum *liberrimae Gentis* felicitatum expertissimus, publicae prosperitatis sit Promotor. Iam cum, quem necesse est diligere, qualis qualis sit, talem providemus; quem libenter diligemus, & quem non amare, non nisi osori felicitatis ac deliciarum generis humani possibile. *Celsissimus Curlandiae ac Semigalliae Dux, ERNESTVS IOANNES*, Dominus meus *Clementissimus*, iussit me referre ad *Serenissimam Rempublicam*, cum officiosissima salutatione, ardentissima vota, quae pro felici Consultationum publicarum, & praesentium *Electiois Comitiorum* exitu, fundit. Nec infortunia perpeffa, nec ardua, quae alias intervenerunt, momenta impedire potuerunt, quin semper *Dux meus* communem, cum *Serenissima Republica*, salutem habere totus fuerit occupatus. Iam ex voto ipsi successit. Iustitia ac servata Pacta, aeternam *Serenissimae Reipublicae* gloriam, *Duci* salutem conciliarunt. Benefactorum *Celsitudo sua* sempiternam servabit memoriam, & in devinctissimi animi tesseram, omnem dabit operam, ne ullum unquam, in se, Principis fiduciarum requisitum desiderari videatur. Pro debitis sic animatus *Dux meus* certo confidit, *Serenissimam Rempublicam*, benevolentiam suam, erga illum continuaturam, causisque ac iuribus eiusdem praesidio esse non dedignaturam. Quod, repetita fidelium Vasalli Principis obsequiorum delatione, desideratissime petit.

*Celsissime & Reverendissime Primas, Primeque Princeps Regni Poloniae*, Magique Ducatus Litvaniae; *Celsissimi, Reverendissimi, Illustriissimi, Excellentissimi Domini Senatores, & Ministri Status; Illustissime & Excellentissime Ordinis Equestris Marischalco*, nec non *Illustriissimi & Excellentissimi Palati-*



latinitatum, Terrarum, & Districtuum Nuncii, atque *Vniuerse InclYTE Ordo Equestris* Regni Poloniae, Magnique Ducatus Lituaniae. *Domini Colendissimi!* Instruxit me quoque Generosus Ordo Equestris Ducatum Curlandiae & Semigalliae, *Serenissimae Reipublicae*, & ipsius nomine fidelia sua obsequia exponere. Nihil ipsi tam graviter in votis est, quam ut consilia *Serenissimae Reipublicae*, ad salutarem dirigantur finem, & is geniali ista die eligatur, quem publica salus desiderat, quemque Regiae virtutes sceptro destinarunt. Gratissimo non minus animo veneratur *Serenissimae Reipublicae*, pro iustitia Pactisque servandis, facilitatem: Qua & *Ducem nostrum* circa Ducatus suos, Ordinem Equestrem vero circa omnia eiusdem iura ac Privilegia conservavit. A Maioribus nostris relictum, servatam semper a *Serenissima Republica* fidem, debita pietate ac fidelitate prosequi. Eandem & Posteris nostris integerrime observandam relinquimus. Non enim concedet *Serenissima Respublica*, ut futurorum nos terretet tristis quaedam cogitatio. Aeterna Privilegiorum nostrorum, Libertatum, ac Regiminis formae, sancita est auctoritas. Illi ne quid ullo unquam tempore derogetur, id est, quod a *Gente inclyta*, aurcae suae libertatis zelosissima, & sperat, & omni veneratione, & observantia exorat, Ordo Equestris.

### Ad haec, Princeps Regni Primas:

**T**am Illustrissimi Vestri Ducis Curoniae & Semigalliae, quam Generosae Clarissimaeque Nobilitatis eorundem Ducatum, per Te, Dignissime Legate, transmissa ad Campum hunc prosperae Electionis Nostrae vota, perquam grato animo *Reipublicae Senatus* complectitur. Dubitandi locum Vester Princeps non habet, Regem Nostrum futurum, divinitus Nobis Vobisque destinatum, & Vestri Amplissimi Ducis, & Vestra, Fortissimi Viri, iura, Ordinationes, Leges, ac Privilegia, facta, tecta, ac integra sancte conservaturum. Ad quod, & *Ordines Reipublicae* optima in res rationesque Vestras voluntate propensissimi, omni meliori modo semper perlibenterque contribuent.

Tum

## Tum Nunciorum Marefchalcus:

**N**ihil, *inquit*, praestantius, nihilque iucundius esse arbitror, illa animi fideique voluntate, quae, ex mutui amoris, & officiosae gratitudinis promanat fonte. Luculentum eiusmodi testimonium exhibet Nobis *Illustrissimus* ERNESTVS IOANNES, Dux Curoniae & Semigalliae, *Serenissimae Reipublicae* Nostrae Fiduciarius Princeps, summa prudentia, integerrima iustitia, inelyta magnanimitate, ac omnigena virtute ornatissimus: ac una cum *Eodem Illustrissimo Duce*, universa Curonum & Semigallorum Provincia, heroice indolis ac Martii spiritus, in plurimis omni aevo praestantissimis viris, foecundissima. Cum itaque, Nobilissimi Oratores, palam videatis Celsissimum Principem, Primatem Regni Nostri, ex hoc supremo Interregiae Auctoritatis fastigio, immensa sollicitudine, summa prudentia, pientissimo zelo, & immortalis amoris teneritudine, *Rempublicam* Nostram prospere & gloriose moderantem; cum videatis Praeclarissimum Senatum, profundissimo consilio, & vigilantissima atque heroica magnanimitate, Bono publico impensum; cum denique clare cernatis Letissimum Ordinem Equestrem, fragrantissimis votis, & maximis conatibus, pro salute Patriae devotum; cum praeterea, ad participationem laboris & gloriae Nostrae, Vestris spectatissimis concurratis Suffragiis, & eodem Regio sanguine, cui in SIGISMUNDO AVGVSTO fidem obtulistis, e magna *Vitelliorum Familia* genitum, cuius nec corda decorem, nec laudem vox ulla capit, futurum Regem Nostrum eligendum & venerandum veniatis: proinde grato pectore, hoc communis *Reipublicae Nostrae* boni intentum ac studiosum excipimus officium, ac in benignissimo *Sinu Dei Ter Optimi Maximi*, felicitatis Nostrae Auctoris, & in longissima saecula Servatoris, ardentia vota, firmas spes, & ineffabiles plausus Nostros collocamus.



## CVIII.

Heros ille noster, STANISLAUS PONIATOVIVS, summi Senatoris & belliciosissimi Imperatoris, defuncti Cracoviensis Castellani filius, magnis & vere regis virtutibus ornatissimus, e Lituaniae Dapifero, Rex Poloniae, ac Magnus Dux Lituaniae, creatus est. Heri suffragia, a Principe *Lubienscio*, Gnesnensi Archipraefule, totiusque Regni Poloniae Primate, universis Senatoribus atque Nobilibus, modo incredibili consentientibus, excepta. Renunciatio hodie, ab eodem Principe, Primate Regni, in medio Comitii, solemni more peracta, atque ad singulas eius portas, a Supremo Lituaniae Mareschalco repetita, ne uno quidem obloquente. *Ambrosiano* hymno, in aperto *Electionis* campo, inter tormentorum scloporumque explosiones cantato, certatim omnes ad declaratum Regem, in Cracoviensi suburbio, in palatio paterno commorantem, confluxere. Vladislaviensis Praeful, *Antonius Casimirus Ostrowscius*, imperium ei, Senatus nomine, effusissime gratulatus est. Idem officium Plociae Episcopus, *Hieronymus Szeptycius*, ac Sandomiriensis Palatinus, *Ioannes Wielopolscius*, diserte praestitere. Nomine Equeltris Ordinis, *Alexander Borzencius*, Praefectus Dolsanensis, *Ioannesque Horain*, Vilnensis

Suc-

Succamerarius, verba ad Regem fecere luculentis oratiunculis. Rex ipse, quam Senatoribus, tam Equitibus, blandè ac facundè respondit. Regni deinde Primas, Princeps *Vladislaus Lubienscius*, Nobilitatisque Marechalculus, *Iosephus Sosnowscius*, gratulabundi advenere. Quibus a Regia Maiestate graviter magnificeque responsum est. Anteeunte demum Primate, Rex equo vectus generosissimo, innumeroque Senatorum atque Nobilium comitatu cinctus, per densissimâ & laetissimâ occurrentium atque acclamantium agmina, urbem ingressus est. Ante Aedem Divo IOANNI BAPTISTAE sacram descendit. Intrans, Luceoriae Antistes, *Antonius Wollowicius*, Regiae huiusce Ecclesiae Collegiatae Decanus, nomine totius Canonorum collegii, patrio sermone salutavit. *Turscius*, generalis Vicarius atque Officialis Varsoviensis, Regiam Maiestatem Latine hisce verbis est allocutus:

„Iterum Nobis redeunt Tectum Piassea saccula, Rex Serenissime, dum Te universae Poloniae vota Regem suum, ne millibus Vnum declararunt. Orbata hereditariis titulis, decora sua, sub exteris mereri Principibus tam diu debuit Gens libera, donec Te Patricio Rege, felicitatem suam restitutam sibi gauderet hodie & gratularetur Polonia. Eveheris igitur supra omnes, tot saeculis exoptatus Nobis Princeps, & veluti ad haereditatem Tuam atqolleris; ut magnitudinem Poloniæ, libertatemque Gentis Tuæ, & quidquid ex avitis honoribus decesserat Sarmatiae, id, per Te, Rex Regum DEVS Optimus Maximus, iterum Nobis resarcire videatur. Omiuari igitur dehinc licebit

*Exc. Pol. Litt. Vol. II.* O „invi-



„invidiae, quod quidquid amplitudinis nostrae, quantum-  
 „que gloriae & libertatis Piaſtea Rota in ſublime prove-  
 „ctum fuit, id omne per Te ſervandum Tuo praefidio, &  
 „tutela Tua augendum, non falſo augurio polliceamur.  
 „Talem proſecto Polonia ſibi Regem quaefierat, talem di-  
 „vino afflata ſpiritu Te proclamavit, quem ſupra caeteros  
 „omnes, Vnum inſignes Tuae dotes, in ampliffimo hoc Re-  
 „gno Poloniae extulerunt. Accipe igitur, in hoc felici in-  
 „greſſu Eccleſiae, pro Te, vota. Accipe Cleri Regiae Col-  
 „legiatae Varſavienſis haec prima Regi ſuo deferentis offi-  
 „cia. Cleri inquam Tui, qui pro felicibus Tuis auſpiciis,  
 „pro reddito Poloniae Patricio Principe, pro Te collato  
 „Nobis caclitus Rege, incruenta DEO Maximo, Regi  
 „Regum, litabit ſacrificia; ut Te Nobis, libertati noſtrae,  
 „Fidei quoque, & ſacris noſtris, diu incolumem, ſemper  
 „que invictum ſervet Regem STANISLAVM, Huiuſce  
 „animi noſtri & voluntatis interpretem, in antiqua bene-  
 „volentia, nunc protectione regali conſerva, quem devin-  
 „ctum & fidelem Maieſtati Tuac habebis ſemper Oratorem.”  
 Rex benigno admodum vultu „Ego vero, inquit,  
 „concordibus Gentis utriuſque votis, in regale ſolium eve-  
 „ctus, primi officii duxi, in hoc ſancto loco, DEO Ter  
 „Optimo ac Maximo grates perſolvere. Cuius propitio nu-  
 „mini, ut me precibus omnibus ſacrificiis commendetis,  
 „Venerabile Capitulum veſtrum impenſe obteſtor atque ob-  
 „ſecro.” Hisque dictis, Rex maxima Pro-  
 cerum Nobiliumque corona ſeptus, ante  
 praecipuam aram, provolutus genibus, de-  
 bita gratiarum actione Deum veneratus eſt.  
 Hymnumque Sancti *Ambroſii*, Poſnanien-  
 ſis Episcopus, *Theodorus Dux Czartory-*  
*ſcius*, pontificiis inſignibus conſpicuus, ca-  
 nere coepit. Poſt quem Supremus Litua-  
 niae Mareſchalcus, *Ignatius Oginskius*, al-  
 ta voce ter edixit, Electum iam Sereniſſimum Re-  
 gem, STANISLAVM AVGVSTVM, ab omnibus,  
 pro



pro vero & legitimo Principe ac Domino, habendum esse. Cui totidem vicibus, omnium ordinum atque aetatum homines, Vivat! acclamavere; tormentorum ac scloporum tonitruis, extra templum resonantibus. Interque publica ea laetitiae hilaritatisque specimina, Rex, a Principe Regni, per confertissimas Nobilitate porticus, in arcem deductus est, ubi cuncti Senatores ac Ministri, Nobilesque primores, Regiam Maiestatem osculo manus coluere.

### CIX.

Fidissima ac deditissima Regibus suis,  
Provincia Societatis Iesu Masovitica, SERE-  
NISSIMO AC POTENTISSIMO PRINCIPI,  
**STANISLAO AVGVSTO**, REGI  
POLONIARVM, MAGNO DVCI LITVANIAE,  
RVSSIAE, PRVSSIAE, MASOVIAE, SAMO-  
GITIAE, VOLHINIAE, PODOLIAE, PODLA-  
CHIAE, KIOVIAE, LIVONIAE, SMOLEN-  
SCIAE, SEVERIAE, CZERNIECHOVIAE,  
ETC. ETC. ETC. FAVENTE CAELO, PLAV-  
DENTE REPVBICA, ELECTO AC RENVN-  
TIATO, DOMINO SVO CLEMENTISSIMO,  
huiusmodi carminibus gratulata est:

#### I.

*Sunt, quibus ad solium satis est Regalis origo,  
Sunt, quibus orba oculis fors diadema dedit,  
Sunt, queis per populi clades Patriaeque ruinas  
Purpureum stravit mucro cruentus iter.  
Ast regnare parum est, si non regnare mereris,  
Remque parum est caeca sorte vel ense geri.*



*Saepe suos doluit Fortunam ludere ludos,  
 Decorant Patrium pignora saepe thronum.  
 Saepe profanata cidarim imposuisse Gradivum  
 Legimus, atque pari diripuisse manu.  
 Mars procul, & fallax procul hinc Fortuna recede,  
 Despiciunt istos tempora nostra deos.  
 Non fato diadema petis, REX magne, Polonum,  
 Fatum in virtutem nil sibi iuris habet.  
 Nec tua civili maduerunt sceptrum cruore,  
 Quae Pace, & Populo sponte ferente, tenes.  
 Si tamen hunc Populum vincis Regnoque potiris,  
 Et sunt haec meriti digna tropaea tui,  
 Felix! qui tantum Gentis mereare favorem,  
 Ut, quam Mars nequeat vincere, vincat Amor.*

## II.

*Qu'entens-je? quels accens terribles!  
 Quoi? de Mars les foudres horribles  
 Par l'ordre des Destins ont-ils changé d'emploi?  
 Mêlés à leur fracas mille cris d'allégresse  
 Répandent sur nos bords le plaisir & l'effroi.  
 Un brillant spectacle intéresse;  
 L'heureuse Liberté qu'accompagne la Loi,  
 Dans un cartouche de Lumière  
 Présente à ses sujets, montre à l'Europe entière  
 Le nom chéri d'un nouveau ROI.*

*Du Trône ce n'est point l'héritier nécessaire  
 Qu'on adore en tremblant & qu'à peine on connaît,  
 Un Tyran faible, un Roi qui naît,  
 Têtu, dès le berceau, d'un encens mercenaire;  
 Un maître sans vigueur, au vice assujéti,  
 Longtemis avant sa mort souvent anéanti.  
 Liberté, tu fais mieux: une famille immense  
 Se rassemble à ta voix, délibère, balance  
 Le nombre des talens & le poids des vertus:  
 On élit son égal, on espère un Titus.*

*Liberté, de tes droits tu consacres l'usage;  
 Tiens, & d'un oeil sercain contemples ton ouvrage:*

*Le*

*Le mérite & la dignité  
Sont réunis par ton suffrage :  
Dans STANISLAS tout nous présage  
Le bienfaiteur des Arts & de l' Humanité :  
Du Ciel il reçut en partage  
Ce caractère de bonté  
Qui cache le Heros , qui dérobe le Sage  
Sous le calme enchanteur de la simplicité.*

*Je le vois qui s'avance Une démarche unie  
Ajoute à la candeur qui brille dans ses traits ;  
Tous les enfans du Gout, tous ceux de l' Harmonie  
Pour célébrer un Prince épris de leurs attraits,  
Éèvent leurs concerts au ton de son Génie ;  
Ils ont lu dans ses yeux l' espoir de leurs progrès.  
Superbe & charmante Couronne,  
Que le coeur pénétré connaît bien tout ton prix !  
Quel agrément te suit ! quel éclat t'environne !  
Régner sur un peuple d' amis !*

*Voilà les sentimens où l' excès est permis :  
Cependant au milieu de l' yvresse publique,  
Tandis qu' avec transport courant de toutes parts,  
Le Peuple sur son Chef épuise ses regards ;  
Dans son âme l' effort d' une vertu stoïque  
D'un moment si flatteur modère le plaisir ;  
La Majesté d' un Roi lui paraît naturelle ;  
Et l' on dirait que sa grandeur nouvelle  
Ne lui coûta pas un desir.*

*Ah ! Prince , de nos coeurs devenés donc le maître ;  
Le sceptre de vos mains ne pouvait s'écarter ;  
Le Père le donnait , le fils dût le porter :  
En protégeant les Rois il vous apprit à l' être ;  
En le suivant de près , allés plus loin que lui.  
Quand il déterminait le vol de la Victoire,  
Il ne réservait que la gloire ;  
La Couronne était pour autrui.  
Mais de vous même unique & suffisant appui,  
Augmentés l' une , illustrés l' autre :  
Un Héros plaît bien mieux lorsqu' il est couronné ;  
Son Héroïsme annonce un Règne fortuné ;  
Et ce Règne sera le vôtre.*



## III.

Już też zajaśniał dla nas ow dzień pożądaný,  
 Gdy Oyczyzna minąwszy wszystkie inne Pany,  
 Tego za Oycę sobie, y Pana obrała,  
 Ktorego iako Syna nie dawno kochała.  
 Kroźby się mógł spodziewać, by w wolnym Narodzie  
 Tak wielka stać się miała rzecz w tak piękney zgodzie?  
 Nie dawno z troskliwości wszyśkyśmy truchleli,  
 Ile razy na przyszcie dnia tego wspomnieli,  
 Mniemając że Mars krwawą Chorągiew rozwinie,  
 A kray cały w okropney pogrzebie ruinie;  
 Ze wielu pod Cypryssem złoży swoje skronie,  
 Pierwey, niż ieden siądzie na skrwawionym Tronie.  
 Ogień w domach, miecz w polu, na rolach mogiły  
 Jako zwykłe dnia tego skutki nas trwożyły.  
 Uszliśmy tych klęsk wszyśkich; troskliwość ustąpi,  
 A radość niezwyczajna do serc zawitała,  
 Ze tak spokojnym torem Przedwieczne wyroki  
 Do Tronu twe o Krolu kierowały kroki.  
 Dobry to znak! dawne się nam wieki wracają,  
 Y dalszych pomysłności nadzieię wskrzeszają.  
 Znać że nas z swey opieki nieba nie spuściły,  
 Gdy w te czasy za Pana nam Cię pozwoliły.  
 Rozumu dziwna bystrość, roztropna odwaga,  
 Sprawiedliwość łaskawa, przyjemna powaga  
 Y inne wielkie twego umysłu ozdoby  
 Wszyśkich serc do twoiey zwabiły Osoby.  
 Dawno bowiem Krolewskie w sobie cnoty miałeś,  
 Y pierwey Krolem byłeś, niżeli zostałeś.  
 Tak jest Krolu! to zdanie z serc naszych pochodzi,  
 Pochlebstwo z tak przezornym Panem się nie zgodzi,  
 Samaby nawet tobie zazdrość to przyznała,  
 Gdyby to, co ma w sercu, usty wyznać chciała.  
 BOGU nayprzod winniśmy nieśmiertelne dzięki  
 Za tak drogi dar, który mamy z Jego ręki:  
 Winniśmy też nie mało y Oycu Twoiemu,  
 Bohatynom u świata naywiększym równemu;  
 Ktorego sławy poty naymniey nie ubędzie,  
 Póki Polska, Szwecya, Turczyn, Ruś trwać będzie.  
 Winniśmy mówię wiele, że w Tobie wrodzoną  
 Spółobność do dzieł wielkich wydoskonaloną

Przez

Przez wielkie swe przykłady, piękne wychowanie  
 Zostawił w tak chwalebnym; iak widzimy stanie.  
 W oczach nam teraz ta chęć iego dawna sława,  
 Gdy na ten Tron chciał wśadzić **PIASTA STANISŁAWA**.  
 Świadkiem tego świat cały, świadkiem Jego blizny,  
 Jak wiele w tym pracował dla dobra Ojczyzny.  
**BOG** wiernym iego żądzom poszczęścił łaskawie,  
 Gdy **Piaśta** na Tron wśadził w Tobie **STANISŁAWIE**.  
 Przywroćże nam, Monarcho wielki, ow czas złoty,  
 Kiedy w Polszcze kwitnęła y sława y cnoty.  
 Kochay twoich Poddanych, którzy Cię kochają,  
 Ktorzy życie y zdrowie Tobie poświęcają.  
 Miey też wzgląd y na Muzy dotąd opuszczone,  
 Ktore się pod Krolewską twą garną obronę.  
 My zaś uśilnie będziemy Krolow Pana błagać,  
 By Twym wielkim zamiśłom raczył dopomagać.

## CX.

Rex optimus, omnibusque exoptatissimus, ingenti praecedentium atque comitantium Procerum numero, maximoque Nobilitatis accursu, in Divi IOANNIS BAPTISTAE Basilicam descendit. Kioviensis Episcopus; *Iosephus Zaluscius*, pontificii muneris pietatisque laude haud minus, quam ingenii & doctrinae ornamentis fulgens, solemnem Missam celebravit. Cantata Epistola, Rex, ante aram venerabundus procumbens, in conspectu omnium Ordinum, in pacta conventa iuravit. Praeivit sacramentum Princeps *Vladislaus Lubienscius*, Gnesnensis Archipraeful, & Regni Primas. Isque mox, nomine Senatorii Ordinis, praeclara oratione, Regi gratula-



tulatus est. Nobilitatisque laetitiam, ipsius Mareschalcus, *Iosephus Sosnowscius*, exquisitis ac splendidis verbis testatus. Porro Princeps Primas, Nobilitatis Mareschalco simul, *Electiois* Diploma Regi tradidit. Eo accepto, Rex utrisque, sublimi & gravi, plenoque maiestatis respondit sermone, qui circumstantes omnes mirum in modum permovit, compluribusque lacrymas elicit. Revertenti ad sedem Regiae Maiestati, ab universa concione, Vivat, Vivat, Vivat, est acclamatum. Sacrum deinde continuatum. Quo peracto, Supremus Lituaniae Mareschalcus, *Ignatius Oginscius*, alta voce, totius Reipublicae Ordinibus significavit, Serenissimum Regem, Clementissimum Dominum Nostrium, iusiurandum in pacta convenia praestitisse. Cui iterum tota concio, Vivat, Vivat, Vivat, acclamavit. Cuncti Proceres atque Nobiles Regem, e templo, in arcem comitati sunt. Vnde magna pompa itum est ad Principem Regni Primatem. Qui Regi ac Senatui abundantissimum epulum praebeuit.

## CXI.

*Stanislaus Konarscius*, ille sapiens vir, lyricum carmen, De Sapiente Rege, emisit. Regi ipsi, tali inscriptione, vovit dedicavitque:

STANIS-



STANISLAO. AVGVSTO.

SERENISSIMO. ET. POTENTISSIMO.

POLONIAE. REGI.

MAGNO. DVCI. LITHVANIAE. ETC.

MAGNI. HEROIS.

PRIMIQUE. REGNI. SENATORIS.

CASTELLANI. CRACOVIIENSIS.

CLARISSIMI. COPIARVM. DVCIS.

VETVSTISSIMA. CIOŁEK. PROSAPIA. ORIVNDI.

STANISLAI. PONIATOVII.

PRAESTANTISSIMO. FILIO.

PER. MATREM. PRINCIPEM. CONSTANTIAM.

DE. DVCIBVS. CZARTORISCIIS.

E. JAGELLONVM. SACRA. STIRPE. PROPECTO:

RELIGIONE. PIETATE. OMNIS. ERVDITIO-

NIS. LAVDE. IVSTITIA. CLEMENTIA.

COMITATE. BENEFICENTIA. PRVDENTIA.

CONSILIO. FORTITVDINE. ANIMI.

ORIS. MAIESTATE. SVAVISSIMAQUE. FACVNDIA.

ORNATISSIMO.

ET. AD. REGNANDVM. NATO.



A VICINIS. AMICISQUE. REIPUBLICAE.  
 MAXIMIS. PRINCIPIBUS. AESTIMATISSIMO.  
 ET. MAGNI. HABITO.

GENTIS. LIBERAE. BENEVOLENTIAM. ITA.  
 PROMERITO.

VT. VNANIMIBVS. TOTIVS. NATIONIS.  
 SVFFRAGIIS.

SINE. EXEMPLO. CONCORDISSIME.  
 IN. REGEM. ELIGERETVR.

SAPIENTIA. VTI. SVA. PROPRIA. DOTE.  
 OMNIBVS. QVI. THRONVM. POLONVM.  
 AMBIRE. POTVERINT.

OMNIBVSQUE. CIVIBVS. PRAECELLENTI.  
 SCIENTIARVM. ET. ARTIVM. DEO. TVTELARI.  
 VERO. AMORI. DELICIIISQUE. POPVLI.  
 QVEM. (QVOD. DE. TITIO. DICTVM.) SI. VIDEAS.  
 SI. AVDIAS. SILEX. ES. SI. NON. AMES.  
 BREVIBVS:

R E G I. S A P I E N T I.

CARMEN. LYRICVM. OFFICIA. REGIS.  
 COMPLEXVM,

*STANISLAVS. KONARSKI. E. SCHOLIS. PIIS.*

Fidelis amantissimusque sui Regis Cliens, Subditus.

*In fuae ac Congregationis Schol. Piarum.*

MAIESTATI DEBITAE VENERATIONIS. PIGNVS.  
 ANNO. M. DCC. LX. IV.

D. D. D.

Lectorem



## Lectorem ita allocutus:

**I**neunte fere Interregno, cum de Ornamento Gentis, STANISLAO PONIATOVIO, ad Regnum Candidato, primum tum inter Nos sermones essent, Ode haec de Sapiente Rege, amicis decantata fuit. Nemo erat, qui picturam simulacrumque videret, qui non mox Archetypon, unde haec tracta sint, facile agnosceret. Imago Sapientis Regis, mirum in modum, cum nulloque mortalium melius, quam cum hoc suo Exemplari, tamque illustri Candidato, convenire visa est. Illum effingi, illius lineamenta duci, eius esse effigiem, omnes illico iudicavere. Nihil illi propius, nihil similis. Ille est! quis dubitet? vox una omnium fuit.

Quae tum de futuro Rege dicebamus, jam nunc in praesente, neminem fallunt. Summo Reipublicae bono concessus est a D.O. M. Rex Sapiens. Haec sola notio, omne id quod Principes summos & gloriosissimos facit, complectitur & definit. Erit Rex pius, iustus, clemens, officii diligens, beneficus, Populi Pater, magnanimus, fortis, utraque fortuna invictus, dum erit Sapiens. Iam cum tanta sit, de Regis STANISLAI AVGUSTI Sapientia, tamque bene fundata universorum opinio, Illi honorificentissima, nobis utilissima aequae ac iucundissima; aut ille undequaue proderit, ut nobis certissima spes est, Reipublicae, aut iam Reges vel optimi, non erunt unquam bono humani generis. Desperandum esset de salute & fortuna publica, si hoc Principe divinitus Nobis dato, de ea quis dubitare ausit. Tempore eget; quia enim longa depravarit & corruperit aetas, refici corrigique repente nequeunt. Concordia Civium eget; nam Civitati, secum ipsi discordi, nulla salus, DEVSque Ipse ruinam occasumque minatur. Voluntate & ope nostri omnium eget; quis enim cum invitis nolentibusque quidquam proficiat? Quamquam magna Ejus mens, id quoque non ignoret: *opus esse benefacere vel invitae multitudini*. Ille laboriosissimae, ut a teneris assuevit, vitae rationi non pareet, neque Illi Sapientia Coelestis, nec ars ulla imperandi regendi deerit. Haec sunt, de Eo, Gentis liberae, haec Vicinorum Magnorumque Principum, & Nationum praeclara Iudicia. Haec, de Eo, & vati auguria Musae divinitus inspirarunt.

Si Carmen, quam huius generis Carmina esse soleant, quamque princeps eorum Octavii Augusti Poeta exemplum dederit, insolenter longius est, meae quidem intemperantiae culpa est, sed causa, magnitudo materiae. Inexhausta res est officium Principis. Multa mihi in mentem venerunt, at nondum omnia. Esto & senile vitium: aut Oloris, infinite usque ad funus cantanti, imitatio. Fortasse varietas rerum, fastidium tollet, & ad dandam invetae in id generis Cantu longitudini veniam, animum legentis deliniet. Scio Regem Musis esse amicissimum. Illae autem curas & cogitationes Regias inopportune non rumpent, expectabunt prae foribus, si quid otii Regi forte supererit. En



En integrum carmen:

AD FUTVRVM  
POLONIAE REGEM:

Ex illo Salomonis;

Da mihi, Domine, sedium tuarum assitricem Sapientiam,  
quae mecum sit, &c.

DE SAPIENTE REGE:

O D E.

*Si, quod profanis est vetitum, licet  
Audire vates: Sarmatiae novum  
Regem daturus, sic Deos est,  
Sic Superum Pater allocutus,*

*Me teste: Se quod rite colentibus,  
Bonisque, Reges det Populis bonos,  
Probos, pios, fortes, tenaces  
Iustitiae: Sapientiamque*

*Locet beati pone latus Throni;  
Quae distet aptas, seligat optimas,  
Et pacis Et belli, secundis  
Temporibus dubiisque, Leges,*

*Haec, sceptrum sacra versat ubi manu,  
Sancto Senatus Concilio, Patres  
Conscribit augustos; ad omne,  
(E Populo meliore quovis*

*Lesso) recenset munus idoneos;  
Addit bonis calcaria, praemiis  
Cietque tardantem mereri  
Ftilium celebrata late*

*Merces*

*Merces laborum. Perdita spes malis.  
Fortuna Cives deserit improbos.  
Virtutis almæ cuncta parent  
Imperio. Patrios honores,*

*Non illa Avorum, sed meritis iubet  
Gnavam iuventam quaerere propriis.  
Greges adulantum, paratas  
Vaenum animas facilesque vendi,*

*Sublimis arcet limine Regiae,  
Fajces & omnes flagitio eripit.  
Intaminatis ipsa praeest  
Iudiciis, nec in innocentem*

*Ius dat potenti. Si facilis tamen,  
Si prompta culpae parcere supplici:  
At crimen exerta protervum  
Terret & insequitur securi.*

*Hinc triste septis qualis olentibus  
Lupus, canum qui territus agmine,  
Arrexit horrentes capillos,  
Perpetuaque fuga relictis*

*Erupit oris: sic miserabile,  
Sic omni inaudax & pavidum loco,  
Foroque, compitisque pulsum  
Ac domibus, scelus exul errat.*

*Serris nec aurum vesteque triplici.  
Eget, nec Argi centum oculis thorax  
Pudicus: effrenes sat ausus  
Poena vigil cohibet, nefasque.*

*Restricis haec est vis Sapientiae.  
Illius ars est, nosse, quid indoles,  
Genti quid innatus reposcat  
Laudis amor, quid opum cupido.*

*Non usitatis inde modis agit,  
Urgetque motu perpetue, floreant  
Artes ut omnes: hicque acuto  
Ingenio, vel ad usque priscis*

*Res*



*Res irrepertas detegat, aut novam  
Lucem repertis addat; at hic manu,  
Quam mente, plus celer, stupendi  
Res operis pretiique magni*

*Effingat; (enturo illicium potens.)  
Desiderati sic opifex lucri  
Sit certus, ac isto perennes  
Fonte meent remeentque nummi.*

*Primus regentis sed labor, ut parens,  
Foecunda frugum, rura Ceres colat:  
Tiphysque quaesitas in omni  
Littore, velivolisque clausas*

*Merces carinis, invehat urbibus.  
Gaudetque, privatam si opulentiam  
Industriae debet, suasque  
Quisque opera studiosiore*

*Res semper urget navus Et impiger;  
Re singulorum, crescere publicam,  
Cum norit, Et commune magnum  
Censibus exiguis parari.*

*Nec negligit, quas celat humus sine  
Gazas avaro: viscera montium  
Ferro secat, nigris Et infert  
Damna Pluti Triviaeque Regnis,*

*Venas ut addat divitiis novas.  
Tranquilla tutas sed teneant opes  
Vt Regna, tutela potenti, Et  
Viribus hic opus est, Et armis.*

*Haec Rex, futuri prospiciens, parat.  
Ne, consilii expers, quid trepidis agat  
In rebus; incensa sequatur  
Dardanidem Aeneadasque Troia;*

*Recensve miles, ne rudis agminum  
Flammaeque, Martis turbet opus grave.  
Constat, repentinis derisse  
Et subitis animum, modumque,*



*In imparatos si celeri pede  
Hostis vel impar ingruit. Otia  
Rex nescit. Eventura prudens  
Providet, & meditatur alta*

*In pace bellum: vel socialibus  
Paci suorum foederibus cavet;  
Vestes ut aeternos ahenis  
Det foribus, referet nec unquam*

*Templum Bifrontis. Laetus, amabilem  
Suo quietem si Populo, eximit  
Externa nec vis, Civium nec  
Iurgia pestiferaeque rixae.*

*Sed grata, somno si placido levat  
Fessos aratro cum Dominis boves,  
Nutantis annosaeque quercus  
Umbra, soporiferaeque ripae.*

*In publicorum tunc operum novas  
Molitiones, pronus & integer  
Incumbit, ac Divos superbis  
Indigetes habitare templis*

*Iubet. Tener vel tunc inopum Pater,  
Insert asyilis pauperiem piis.  
Doctas iuventuti Palaestras,  
Et mutilis senioque fractis,*

*(Attrita quorum casside tempora)  
Tunc Martiales aedificat Domos.  
Tunc impedituras, feroci  
Hosti aditum per aperta Regni,*

*Communit Arces; barbarus unde Dux  
Nolit trecentis fulminibus quati.  
Tunc pontium moles; simulque  
Claustra vagis sinuosa rivis*

*Ponit. Viarum, dulcius Appia,  
Saxoque stratum planat iter. Fora,  
Nec arte dimensas plateas,  
Innovat, & meliore donat*

*Forma.*



*Forma. Vetusstae moenia Regiae  
Corinthiis, aut Ioniis modis,  
Exornat; ac in plebis usum  
Deliciasque profusus, hortos*

*Ludis aquosis instruit. In bonum  
Commune, semper splendidus. Omnium  
Provisor, ast illiberalis,  
Et sibimet nisi parcus ipsi.*

*Nil Regiae deest magnificentiae;  
Ast, hac in ipsa, nil nimium. Pari  
Metitur ac aequa bilance,  
Qui veniunt abeuntque census;*

*Modumque cautus servat, ut exitus.  
Venas opum ne praesuperet, neque  
Pars maior absumatur aulae  
Soricibus. Nihil esse novit*

*Egente pejus Principe. Proprii  
Proin videri vult patrimonii  
Attentus argutusque custos.  
Sollicitus magis, anxiusque,*

*Non rem tributis augeat ut suam,  
Sed ut paterna demat onus manu,  
Solventis e parvo coloni,  
Et tenuem sibi vix agello*

*Praebente vitam. Quippe bonus Parens,  
(Ut est Parens, Rex officii memor,)  
Ceu liberos, Et dictis instar  
Prolis, amat Populum, suosque*

*Cives: Et unam respicit ut Domum,  
Quacunque spectat Regnum habitabile.  
Partitus, aequo iure natis,  
Lance pari sua dona, nec plus*

*Feliciori, de Patria Viro  
Sed plus merenti: vel probitas diu  
Quem rara jecrevit latentem,  
Et tacitum, medioque vulgi*

*Exemit,*

*Eximit, aptum grandibus, Et rei  
Natum gerendae. Novit enim suos  
Princeps: huic horas diurnas  
Dat studio vigilesque noctes:*

*Seseque totum sedulus, usui, Et  
Unum saluti devovet omnium.  
Nascantur e quo fonte, gnarus,  
Regia jura; datasque nusquam*

*Fuisse gentes Regibus; at datos  
Fuisse Reges gentibus: haud sua  
Seseque libertate frustra  
Trux hominum genus exuisse,*

*Non ut Tyrannos, (sunt miserae quibus  
Turbae gementum grataque servitus)  
Sed ut pios iustosque Patres  
Deligeret, memoresque, sese*

*Certis teneri Legibus. His nisi  
Subesse Reges se quoque sentiant,  
Non temperatam vim, tumultus  
Seditioque nocens sequetur.*

*Odere semper, qui metuunt. Metu  
Custode tutum nil bene. Vidimus,  
Si non amor fulcit fidesque,  
Saepe thronos titubare celsos.*

*Hoc non timebit Rex sapiens. Cui,  
Potens in omnes ius animos, dabit  
Caelestis ac callens regendi  
Ars homines. Cui sunt benigna,*

*Quae rite, puris Et manibus, colit,  
Supplexque placat, Numina. Regios  
Mores Et exemplum sequente,  
Ac studiis imitante magnis*

*Turba, sui vestigia Principis.  
Sic una mens est cum Populo Duci;  
Ut vera sententur, Deoque  
Digna; superstitiosa temnant,*



*Norintque, Patrem Romuleum Sacris  
Præesse, summo sub Iove: qui male  
Obliviosos impiosque  
Cuspide sæpe monet tremenda;*

*Quid possit, Et quid iuris, in infimum  
Telluris Orbem, Regnaque maxima,  
Sibi reservarit; Coronas  
Ad lubitum arbitriumque mutans.*

*Iam maior, aut quæ faustior accidit  
Felicibus fors Imperiis? ubi  
Cantare non fastidiosus  
Regibus hæc, cupidisque veri,*

*Fas est. In Aulis stat male veritas.  
At Rex, Magistro discipulus Iove,  
Qui regnat, huic primas in omni  
Consilio dat, Et aure prona*

*Audit monentem. Sic male noxio  
Errore liber, fraudibus, Et dolo est.  
Sic hostis est ulli, protervum  
Quem Patriæ nisi norit hostem.*

*Sic Patriæ quo quisquis amicior,  
Is certus idem Regis Hephæstion.  
Sic cara Maiestas supernis  
Disque placet, Populis Et imis*

*Aequæ. Polonis addite regibus  
Regem, faveutes o Superi! optimum,  
Quem nostris, aut hucusque qualem  
Vaticinae cecinere Musæ.*

*Sic Pax beatos alma feret dies.  
Sic prosperorum, Civibus, omnium  
Spes, omnis Et fortuna crescet:  
Perque libros, per Et ora jaeclis*

*Narrata seris, gloria Nominis,  
Et laus, Et ingens Imperii decus  
Clarescet, audietque, toto  
Gentibus Oceano revulsis.*



## CXII.

Rex, liberali Musae, studiisque humanitatis, maxime propitius illustre nobilium iuvenum collegium, cui prudentissimi atque eruditissimi Presbyteri Scholarum Piarum praesunt, penitus lustravit. Venerandus senex, *Konarscius*, Regiam Maiestatem huiuscemodi oratione accepit:

**C**oetus noster exiguus, dum MAIESTATEM TVAM, REX AVGVSTE, intra horum angustias parietum, cum summae, quam mens capere potest, venerationis sensu, parique animorum alacritate salutat, fastis in perenne monumentum inscribet suis, & locum hunc, luce REGIAE Praesentiae collustratum, qui nobis deinceps sacer, & diem hunc, qui posteris nostris memorabilis erit: Ostendis clare, PRINCIPVM humanissime, cum maximis rebus pro ratione temporis consulueris, etiam ad minima quaevis & humilia REGIAS TVAS curas extendi. Civitatem universam animo tenes, nec primos solum, sed & postremos TVI Sceptri praesidio tutos felicesque vis esse. Istud scilicet DEI est, (cuius iam in hoc Regno vices obcundae TIBI sunt) magnis perinde ac parvis prospicere, tantoque Providentiam Eius magis esse admirabilem oportet.

Gratulamur Nobis itaque & incredibili gestimus lacticia, talem Nobis divinitus concessum esse Principem, cuius diligentia omnes Reipublicae partes complectatur, quique hanc etiam sibi minime contemnendam, putet, quae circa educationem Iuventutis versatur. Male enim vero, cum sibi, tuar Reipublicae consulunt ii Principes, apud quos Iuvenum educandorum ratio, res est ultima, nec digna quidem de qua regie cogitent, cui aliquam impendant operam. Fundamentum tamen, salus, ac origo omnis in Republica boni, est recta ac diligens Adolescentum Institutio.

Quam iam bene, hac de re, sperandum nobis est, sub sapientissimo omnique virtutis ac doctrinae genere exulto Rege? eodemque in ea disciplina educato, quam vel maximos orbis Principes in instituendis suis Liberis imitari deceret, & quae illi praecipue viam etiam certam & facilem ad Thronum aperuerit. Nisi enim, REX AVGVSTE, prospicientibus eminus, quid tecum eventurum esset, satis, nisi



inquam ita educatus esses, REX non esses. Sensit id & ille peritissimus Heroum cognitor Iudexque, REX Borussus, qui praeclarissima inter, de TE, iudicia, id TIBI laudis tribuisse, Legatoque Nostro dixisse fertur: Scire se, Magni Viri Heroisque illius PONIATOVII, & Principis CZARTORYSCIAE, Feminae lectissimae & aeternissimae, TE esse Prolem, adeoque praestantissimos clarissimosque Parentes TVOS, eam TIBI educationem dedisse, quae TE Solio parem Regio formasset, dignumque & idoneum ad regendam, in qua natus es, Gentem liberam effecisset. Ita nullum maius beneficium Patriae praestare possunt, omnes boni Parentes, quam cum liberos suos, quanta possunt diligentia, in quam optimos formare Reipublicae Viros, vel a teneris student. Ad quod ut eos regaliter iuves, nedum iis optimo vis esse exemplo, sed & Scholam equestrem ope TVA & Reipub. eisdem fundandam paternae polliceris, quae, si quid aliud, Nomen TVVM immortale gratissimumque posteris reddet.

Quid iam, in TE, Potentissime ac Optime AVGVSTE Noster, haec animi praecepue TVI cultura effecit? id videlicet, quod summum, quod primum, quod unum in maximis desideratur Principibus, ea TE nimirum imbuunt ornavitque sapientia, quae omnes regnandi artes circumscribit, quae satis est ad felicem beatamque reddendam Reipublicam, qua TV tanta, iuxta omnium qui TE norint hominum, de TE honorificentissimam opinionem, es praeditus, ut ea sapientissimis quibusvis, & antiquis, & TECVM hodie Sceptra gerentibus Principibus, TE comparare, libenter accum ingenti Nationis Nostrae gloria soleamus. Itaque qui reliquis Civibus sapientia praecellis, iisdem ut imperes, meruisti; ne illam praeis quibusdam felicibusque populis invidemus gloriam, eos, sapientissimos duntaxat optimosque omnium Civium, semper ad Sceptra quaesisse.

Iam quidquid inde boni, ornamenti, ac gloriae, ut certo speramus, in hanc redundabit Reipublicam, id omne, post Deum O. M. nos, gratique nostri posteris, in acceptis referemus ac perpetuo tribuimus, nedum praestantissimo universae Nationis a Celsissimo Primatu prudentissime ac laboriosissime gubernatae delectui, verum etiam ac imprimis Celsissimis Avunculis TVIS, cara illa sacraque nobis IAGELLONVM stirpe profectis, Cancellario Supremo M. D. Lit. Palatino Russiae, Antistitique Posnaniae, qui pro restituendo veteri splendore Imperii, famaue Poloni Nominis, tam provide, tam sapienter fortiterque rem omnem conduxerunt,

runt, ut iam omnia ad fortunatum tranquillumque deduxerint exitum.

Quod itaque honorificentissimum, ac immortale decus sit, tam antiquissimae Nobilissimaeque Familiae PONTIOWSCIORVM, ad summum augustumque evectae fastigium, quam Carissimis TIBI perinde ac Patriae, dignissimisque Patribus TVAE Maiestatis; Supremo Praefecto Palatii Regii, Viro in Republica summos inter aestimatisimo; alteri Clarissimo, in exercitu Austriaco Generali Duci, qui sibi gloriam parem maximis Ducibus, scientia rei militaris, sanguine & innumeris vulneribus peperit; ac optimo doctissimoque Sacerdoti, Fratrum minimo, cuius virtuti & doctrinae singulari, ad primos in Ecclesia & Reipubl. honores, & Magistratus, certa patet via: Carissimis denique, ac omni sexus laude merito ornandis, Sororibus TVIS: omnibusque claro Sanguine junctis.

Quod vero cum primis felix faustumque sit amplissimo toti Senatui, fortissimo Equestri Ordini, Exercitibus Tribunalibus, Urbibus & cuncto Populo: quod auspiciatissimum sit Religioni & Patriae: quod imo fortunatum sit universae Reipublicae Christianae, tanta sapientia pollentem, bono humani generis, ornamentoque Regum, suffragiis liberae Gentis, nos nactos esse Principem. Haec proinde tessera longe lateque per Provincias, a Cive ad Civem, a nostratibus ad externos, divulgetur & permeet: Sapientem habemus Regem!

Iam cum genuinus sit sapientiae fructus, quod nempe illa, iuxta divina oracula, sit pulchrae dilectionis mater, amaris certe, amarique TE ac diligi, Ipse sentis, REX STANISLAE AVGVSTE! qui nuper flagrantissimum ac incredibilem quandam in TE Civium univerforum amorem contemplan- do, continere TE non potueris, quin in haec erumperes verba: neminem, dicebas, e Regum vel maximorum filiis, dum Thronos conscendunt paternos, eam aut nosse, aut posse sentire dulcedinem, iucunditatem, voluptatemque animi, quam tu sentires, dum quod necessario illis fors nascendi, tibi libere, omnium caritas & benevolentia Civium, eorumdemque mirabilis illa, nec unquam usitata, nemine excepto, concordia, Imperium obtulit. Ita cogitando certe non deciperis. Quis enim sapientem non deprecatur, non amet, non desideret Principem? qui de sua, quam optime norit, Republica tam praeclare cogitat, qui illam, tot annis consilio destitutam, e funesto Anarchiae statu liberandam suscipit, quis inquam tali Principi non optime velit?



Et haec ipsa lectissima ac nobilissima Iuventus, quae se TVAE MAIESTATI hilaris & laeta praesentat, id ipsum iam, quod TE nempe vehementer amet, frontibus, oculis vultuque praefert, & TIBI palam facit. Nos continuo eidem inspirandae non defumus, quid DEO, quid REGI, quid Patriae debeat. Praecepta autem, Leges, mandataque MAIESTATIS TVAE, dum TIBI aliquando vacaverit, praestolamur, quibus quam optimam rationem educandae Iuventutis, divina TVA Nobis praescribet, praecipietque prudentia.

Nunc iam Scholae Piae utriusque Provinciae, feliciter Sceptro TVO subiectae, de MAIESTATE TVA, & Patria optime mereri cupientes, a gloriolissimis Parentibus TVIS, ut MAIESTAS TVA meminisse dignabitur, semper proteſtae, clementiae, tutelae, & REGIAE defensionis TVAE, sese, suaeque iura & Privilegia, a Regibus & Republica iisdem concessa, humillime maioremque in modum commendant.

Benignus ambilisque Rex, ad respondendum, inquit, tibi Latine, opus esset mihi elegantia styli tui. Me quidem commendatissimum posteritati fore spero, si me illi exhibuero, in imagine adeo boni civis, ut tu es. Conversus deinde ad Iuventutem studiosam, a *Stanislaw Mniszczio*, splendidae nobilitatis, magnaeque indolis iuvene, in hunc modum salutatur:

Concors & unanimis REGIAE MAIESTATIS TVAE Electio, nos quoque, quibus Patrum exempla, norma debent esse vivendi, vehementer permovet, & in cogitationem inducit laetissimam. Quidni enim, ab hac mirabili animorum consensione, saluberrima omnia Reipublicae sunt expectanda? Quid boni non sperandum, ab eo Principe, quem incredibilis Civium amor, & spes eorundem maxima, in Regali folio collocavit? Haec certe ingens totius Populi benevolentia, inusitatae quam, TIBI, REGIAE TVAE MAIESTATIS conciliarunt virtutes, non minus promptum suum obsequium, quam felicissimum TVVM praefagit imperium. Quid vero praecipue, admirandae suffragiorum totius gentis liberae, in TE eligendo REGE, unitati conduxit? Multis scilicet undique malis, quae & nos, pro modo aetatis nostrae satis percepinus, afflicta Respublica vidit

dit palam, aut intereundum sibi, aut in nullo alio, nisi in REGIA MAIESTATE TVA, cuius beneficio ab interitu vindicaretur, & redderetur florentissima, omnes spes suas ponendas esse. Tanta est, critque semper omnium fiducia, in TVA, REX AVGVSTE, regnandi sapientia, in TVO erga Patriam vehementi amore, in laboriosissima vitae TVAE ratione, & diligentia. Quae omnia nobis, de TE, praedicari toties perlibenter audivimus, ac magna demum animorum voluptate experti sumus, nunc primum Poloniae istud divinitus obtigisse, quod olim affirmabat antiquitas: Eam Rempublicam fore beatissimam, in qua aut Philosophi regnarent, aut Reges philosopharentur. Coniicimus iam probe, quid & nos a teneris trahiare oporteat, ad demerendum olim nobis Sapientissimi Regis gratiam. Nunc DEVM OPTIMVM MAXIMVM ardentissime precamur, ut REGEM, omni virtutum ac doctrinarum genere praestantissimum, ad Religionis, ad Patriae, Nostrumque commune Bonum, totiusque Polonicae Nationis Gloriam, si non immortalem, tamen quam maxime velit esse diuturnum. Hoc enim voto, & universa Respublica, in qua, in bonos Cives, inque bonos REGIAE MAIESTATIS TVAE Subditos formamur, lacte florebit ac conservabitur: & nos, sub Nostro AVGVSTO, TRAIANO, TITO, M. AVRELIO, vivere minime poenitebit.

Rex egregium adolescentulum arte complexus, pluriesque osculatus est, interfertis iis ferme verbis; Domine, applica te ad bonas litteras, ut coepisti. Sic, & familiae tuae, & patriae eris decori, Reliquosque omnes, ad doctrinae virtutisque studium, blandissime cohortatus.

### CXIII.

Electo optimo & sapientissimo Poloniae Rege, STANISLAO AVGVSTO, prudentiae virtutisque exemplar, *Hermannus Carolus Kaiserlingius*, Russorum Imperatricis, CATHARINAE II, magnus Legatus, decessit. Fuit ille Polonicae Genti mirifice dedicatus, ipsique Regi, ac summis in Republica viris



ris coniunctissimus, omnium consiliorum societate. Qua ex causa, tanquam inmaturam, mortem eius, in sinu nostro deflemus. *Zzembecius*, Regiae Varšaviensis Ecclesiae Collegiatae Archidiaconus, idemque Metropolitanus Gnesnensis, & Cathedralis Cracoviensis Canonicus, divinis atque humanis litteris eruditissimus, doctisque viris & studiosis valde benignus, post *Stanislai Miaskowskii* obitum, Ploccensem Cathedralē Praeposituram, iunctumque ei Sielunensem Ducatum, adivit. Gnesnensis Metropolitanus Scholastici dignitas, post *Mostowskii* excessum, obvenit *Antonio Sierakowskio*; humanitatis ac litterarum studiis probe ornato. Vacuus ibi Canonicatus, Poshnaniensis Cathedralis Ecclesiae Custodi, *Okencio*, comto & suavi, eidemque sincero & officioso viro, obtigit. *Godziemirscius*, religiosus & modestus, eruditusque vir, in demortui *Cieciszewskii* locum, Varšaviensis Canonicus est suffectus. *Olechowskius*, pontificii iuris scientia, sacrarumque & ingenuarum disciplinarum doctrina, vitae quoque innocentia, & gravitate morum, Principi atque Antistiti Cracoviensi commendatissimus, ab eo Kielcensis Canonicus, & Praepositus Slawcoviensis creatus est. Cyriaeque suae Episcopalis Notarius constitutus. *Portalupi*, vir summe doctus ac sapiens, de quo praeficitur celeberrimo Collegio Nobilium Theatino, in quo Rex, STANISLAVS AVGVSTVS, Pater Reipublicae, ineunte aetate, optimarum omnium artium, studia, insigni cum laude tractavit.



VA 1 1505386